






龍眠風雅續集





龍眠風雅續集卷七

木厓潘 江蜀藻輯

姚文燕

字翼侯

山大司寇端恪公之第五弟也

治辛卯

止成進士光祿公以癸卯捐

館執父

王戎和嶠之孝兼而有

之姊

且華公密繕綠章請戒

已笄益姊齡待其孤會祐之成立匍匐至隍廟且

哭且拜里有醫某者晨起遇諸塗詢之以實告泣

而歎曰人間有如此姊弟乎其至性篤于孝友如

此已酉授江西之德安令以廉慈稱最江西逆賊

不逞南康彭澤湖口一時陷沒公與守弁魏久功

誓死捍賊曰吾不忍負朝廷不忍負總憲兄也

守三日用計怵賊臨河不敢渡會王師援至城賴  
以全兩臺交章薦于朝又舉卓異乙卯行取入都  
以部例迴避不獲與考選候補五部主事戊午夏  
游中州卒于旅次年四十有七無子以兄駕侯子  
士墳為之後計聞端恪公一慟竟不起其祭弟文  
中有云崔司徒可惜李宣城可哀聲淚之下恫乎



音日居牙利集卷一  
有餘畫焉公之宰德安也撫卹南九兩荒屯募佃  
給牛種田獲有收烏石門為彭澤衝驛蛟水壤道  
為鑿山開路往來便之立石其傍名曰姚公墩又  
德安多虛米浮糧力請清丈著為畫一之規至今  
民受其賜朝野方屬目以大用期公謂必接武端  
恪公而所就止此人咸惜之所著有春草園詩集  
嗣子士墳屬予錄其什一予謂公忠孝智勇人誠  
有如端恪公所云者吟咏特其餘事然未可沒也  
為次之  
如左

舟次鍾吾驛阻風適注若二姪价至詩以述懷

孟夏揚輕帆圖也引左古習中詩画俱展榻摹顏柳下

水趁柔風幾日

身不城掃逕呼箕帚握晤

語蟬連咄嗟旨日

功雁行立次第進大斗炎曦苦

逼迫兩月航北牖竟放廣陵舡虎丘一揮手

余擬過吳門注若寓

彼久候而接爾惆悵書期醉如淮酒幸有石尤風急足

來何後長跼前致辭澎湃傾千畝

河口新决

咫尺失周行泗

人皆却走水分舟易膠天妃曾渡否命我且前驅一日

九回首太息相念以終難偶 王程亦有期停橈

詎能久喜爾此還

小宅受隔冬釀新笏遲爾剪

春韭朝有九經庫直講疑義音竹林鳴玉珂薇省偕金

友承顏及盛年此晤良不朽

### 舟晚

微涼生北風逆風盪逆水水駛不受艣牽纜听多圯榜

人蒿目愁中流更何倚小船載纜行沉錨水之底大船

亟收纜得寸則寸耳纜盡小船前循環復如是凝眸日

已瞞相越不數里瞥見晚霞明波動散如綺十錢市鮮



鱗烹之竟盈簋陶然酌且吟鼓吹舟將艤

### 瓶荷

盥罷凭一几一編寄閒目靜中忽有聞香氣何郁馥推  
窻見小奚隔岬聲相逐紅飈水面華葉盪波心綠菰葉  
並蓮房採之竟盈束挹水肆沾洒花葉謝露露位置小  
瓷餅情親勝遙矚

雨霽過悟沈與涵射宇皇留余手談小飲與涵出

近詩相示三首序曰怍論遂得一章

秋雨霏微昕復夕  
披衣靜對惟圖籍紙窻忽見耀朝曦便果朝饗著雙屐  
紺宮鐘磬韻悠揚踏破苔堦快親炙呼童急煖官衙酒

細嚼猪肝旅顏赤蕭條游事漫尤人勝敗欣然且角奕  
况有新詩可送窮篇篇擲地聲金石開府參軍上下間  
淺斟高咏情無數大笑日西頽分手愁看人影隻

### 田家樂

集臥東朗姪軒中分咏

獲空雲水何飄渺科頭倚杖看歸鳥黃鷄白酒正及時  
今我不樂思年少烹鷄煮酒羅兒孫柴門月午光皎皎  
一觴再觴閒愁避青春翻悔紅塵擾芙蓉天半秀可餐  
牛背笛聲聽未了置身霄漢等蜉蝣較雨量晴送昏曉

### 題趙松雪洛神賦手卷

高軒剪燭酒數行群從作達語縱橫爲湖往事拍案叫  
竒絕展來金軸牙籤光瑩瑩云是趙公得意疾書洛神



卷鐵函沈波蛟龍爭漁父收入珊瑚網瞬息而天朗氣  
清方子字學蓋有神謂方玉文解錢不惜杖頭貧開函細認  
行間字廻雪流風態逼真意匠經營不肯下將飛未翔  
何逡巡方子寶之若家珍仲容交契兩情親謂五姪佩若自  
言絕世傾城物合伴雕龍綉虎人方子方子真名士分  
手脫贈竟若此二公上下數百年眼中雙絕望吾子

壽江脣瞻四十

我輩登科皆早歲三上春官三及第雖知遇合會有時  
父志祖武當誰繼見河大同爾阿翁游愛爾神駿稱  
佳婿我翁公與壘卿伯文章政事交相勵苔岑誼久重  
嚶鳴葭莩恩好凡三世辛丑之春又掄英驕驤始共金

臺行相看意氣凌雲漢昂昂天馬合長鳴男兒致身必  
以道豈肯乞墦留玉京一麾百里竟作吏兩邑遙聞鷄  
犬聲五載漸稠桑子門得士比連城兄子隨宦仍  
搯作軋軋機杼佐水清善承姑須順夫子貽謀不屑金  
滿籬長者讀書能走筆小者梨棗讓諸兄甲寅履端之  
三日積雪嚴冰氣凜慄風鶴俄驚三至杼羽書雜逕蒲  
塘驛牽衣頓足擁城闈男耕女桑忽相失兩人奮臂固  
吾圍倉忙不敢問家室朝廷張皇命六師螻蟻穴中還  
自室安輯驚鴻苦不辭又是南風解愠時此日遙看灤  
溪上榴華灼灼何紛紛披麟脯瓊酥金鑿落雲璈錦瑟玉  
參差云是使君強仕日紛紛仙客下瑤池父老臨溪酌



大斗拜歌川至壽無期使君立擁青絲騎慰勞皆成白  
雪詞年復年來沛恩澤佛子聲名騰廣陌漢民呼爲公  
餘染翰瀉詞源今日磊齋舊詩伯遠心閒種潘縣花輿  
人群誦萊公柏風流仙令世無雙旦晚召作金門客金  
門同鞚紫駟車當鑪貫酒解金魚花莊柳榭裁新句青  
瑣蘭臺啟秘書召對定承宣室命灑溪歷歷報新政特  
頒綉斧代宸游會看桓典威名盛

十五夜月憶內

獨酌不成醉况當月望時巡簷光在地入夢遠應知膏  
沐將無減刀鐮未有期更愁雞促曙欹枕卽天涯

浸藥酒

風病爲耽醉獨醒病更多醉醒俱不可多病竟如何風  
月終須飲刀圭試早和此中饒妙理淺酌且高歌

憶退軒

鄉夢輕千里鄉心逼萬端如何三伏暑亦有五更寒計  
拙栖靡穩游長歸轉難退軒一笏地容膝儘云安

游鐵佛寺遇粵僧茶話

古刹何年建游情此日閒心空皈鐵佛望迥納青山竹  
影能邀客茶香不掩關爲談東粵勝小坐竟忘還

王涓來年兄招同卞圖南小飲

羈緒秋同冷關情晚命觴交能忘爾汝論欲挾風霜嘉  
旨兼吳味聲歌媚小郎捲簾還布酌眉月已過墻



音韻通雅卷十  
中秋同左夔友王申之登黃鶴樓時新落成  
月夕今宵勝樓觀此日竒高真臨北斗望欲盡天涯丹  
蘄群公力青鞋我輩私行吟還坐嘯崔顥許題詩

作家書寄內

一紙平安字三時汗漫游開緘知有喜計日轉生愁旅  
久霜侵鬢人圓雪滿樓酒情吾不減釀事及高秋

二十夜舟月

水勢秋猶漲停橈欲二更空明天一色蕭爽我同清短  
袂微風冷孤舟夜語輕懷人如有夢應悉此宵情

夜雨

入耳難成寐公然到五更客心千里外沙岍一舟橫草

濕虫頻咽骨移火乍明見聞紛若此行止笑吾生

沙渚阻風

盥罷窻篷啟篙師已繫舟北風愁上水地勢豈人謀鮭  
菜連朝減浪花盡日浮支寒需薄醉提甕向前洲

舟泊石觔金鶴林貽余酒殺期相晤於郢中

凌晨帆欲挂壺榼遠相將雞黍克虛腹瓜蔬待晚觴同  
心秋共爽一葦路非長信宿江城裡期君話夕陽

過明興即舊址小憇三教庵

城隅何曲折此地獨峻嶒望可來群嶂基從走亂藤霓  
旌思往日竹院話閒僧拖杖行吟晚秋山次第登

廣陵雜詩



三月鶯花好乘潮到廣陵帆懸昨夜雨友覓舊時僧易  
昔寓興教寺徑轉來雲樹庭空豁寢興分携仍數武遙見上方燈

孫孟伯招同孫易公左共玉小飲

鱗魚纔入市又聽賣櫻桃好友憐貧橐嘗新進濁醪踈  
簾搖短燭朝雨阻輕舸初約從舟不果詩酒天涯遍風期我輩

高

同門趙介山招同任詎庵飲竹舫中晚宿於詎庵

齋頭

一徑花枝亞二間蠟屐通披襟收翠色敞坐任天風卜  
夜盃初把占星客更同有懷期信宿布被隔墻東

劉三峻度招飲園中時芍藥盛開

入簷猶樹色累石當柴扉筋飮銀絲鱠花留金帶圍廣陵  
芍藥多獨此種難得尋香風宛轉待月影霏微觴詠嗟何晚今朝

識孝威

遣心

听草平臨水青青總不分且無風浪慮暫與鷺鷥群遠  
岫浮如黛晴煙細入雲回圖容坐臥一幅李將軍

憶兄子勃少

心亦空諸累難忘獨仲容坐來濤任耳如聽閣邊松余同  
勃少讀書長松閣最久甘苦十年事圓通五夜鐘憐渠應捧檄未

合老山農



德藏寺前書所見

人郭催柔櫓扁舟縮寺門影斜全映水客倦易消魂夢  
去知爲雨生來別有村牽絲囑玉虎記取舊波痕

燈花

獨酌形酬影燈花故故催猪肝知計拙雁足想書來望  
籌初微焰挑愁數舉盃晚妝如對爾莫傍鏡臺開

憶退軒

乞食非今日忘憂在一枝酒香人靜後詩渴茗來時交  
態天難問狂情我自持夜闌搖鐵鳳時寓德藏寺倚枕夢何

遲

甲辰冬過雉川病中承葉岫雲解推周至心甚感

之丙午夏偶客當湖寄懷

泛梗依三楚炎雲又一年乙巳夏客鄂渚浪傳真許史縱目好

山川閱歷交能寡壺飧感益堅晴霞臨乍浦遙望箬溪

煙乍浦去當湖三十餘里可眺遠觀潮

浸藥酒

禪定身無累心清日更長欲眠徵酒力開篋檢醫方苦  
口從良藥淡盃發妙香養生吾有論軟飽是羲皇

欲雨

催詩逢此夕待澤已經旬雲自西却往盃傾河朔頻稻  
梁終歲計酬唱一門新早起樵歌入歡呼渡水人

寓永慶庵雜詩二首



社前連日雨猶及咏豐年密酒沾殘帙歡呼戒糶錢燃  
薪分佛火滌甕貯天泉倦倚南軒望旃檀一縷煙  
官貧誰似爾謂咸寧令黃耳升朋好獨憐余自是催科拙肯令  
保障踈艱難分俸米倉卒剪園蔬滿日金銀氣孤行且  
晏如

徐蘭皋雨中餉酒 二首

層雲棲老樹碧蘚上閒堦不斷經旬雨難堪久客懷盈  
樽勞問訊遣夕自支排憶共查園宴明燈十二釵壬寅同蘭

皋飲查伊璜園中觀女樂

積雨疑天漏狂風挾霧飛老僧添舊衲顧客問寒衣此  
語如何答有家胡不歸未甘麋鹿聚閒對蘚苔肥

令弟傳芳訊相過及早秋總無乾鵲喜空倚暮雲愁涇

水添新漲瓊花想舊游丙午同容廣陵嚴程惟待爾偃仰月如

鈎期期涇陽任訶庵不至

賈中丞送松茗芝酥

霜臺傳錦字馬上健兒飛茗泛南源色酥憐季女饑鄭  
公能好客杜老合忘歸待及秋山霽鳴鏡看打圍

憶金陵玉峰二校書

幸乏纏頭錦虛疑解語花洮戎欺綺縠番曲唱琵琶憶  
擁青絲騎頻過碧玉家茶香憐小婢十二綰雙丫

入都呈三兄 四首

十年重握手

余以丙午相別隔歲再生人群從錦衣出二姪注若十三



姪敦 當街笑語新地因衝更瘠民以亂知淳不盡盤根

苦初回谷裏春

記得除書下書來報德安勿言百里小須作十年觀循

吏吾家事雄心一往難皆書中語載將良藥去勉為起凋殘

最是星都陷魂消九月中全營屯隘口離德安十里分校獵

河東過渡即南門城下鼓伐三更壯蘆燃一面紅時賊壓蒲塘渡口直趨南

關而城中額兵僅四十人居民不滿百餘家余同千總

魏君入功密計之候賊過渡吾事去矣今賊隔渡可遙

矚者惟城南一面耳不如且撤東西北三門兵民盡登

南城燃炬張旂振金為虛勢休之或可緩渡以待援至

魏君曰然倉卒間羅銅器以代金裂被帛以代旂東蘆

葦以代炬至夜半火光匝地金鼓振天賊疑援師至果

驚欣看旗轍亂戡定果元戎城守旬餘尼將軍從湖

退磴之百姓秋毫無犯

為報徵書下驅車喜更驚感真歌

帝力榮不在微名

濁酒西窻話清風大被清此生惟友教辛苦奉家聲

月夜獨酌聞朱四徽亂棋聲因成一律

漏長群動息子落一人知坐隱消霜月寒吟藉酒卮曰

歸聞計日朱四云以廿句外暫歸問夜是何時亦有妻孥累因君

攪夢思

除夕得內人見憶詩依韻和之二首

符換新朱戶香濃舊碧紗忽傳鄉信到翻令客愁加筆

滯知呵凍梅寒懶放花若蘭詩律細欵欵話宜家

去歲賓筵罷孤吟燭屢殘今宵姜被共不比范塵寒越

水星將聚時同谷浙天書日下看轉憐春事近柳色憶



長安

酌罷 八月朔夜

酌罷疑殘夏開簾淺受涼風能踈酒力波故織星光得  
句燈還剪移篝衣更香獨醒有妙理吾意在滄浪

楚游代內言別

小扇輕羅五月天閒看芳景度流年三冬纔踏孤山雪  
一葦還銜大別煙早勅內廚修果蕈爲資行李典金鈿  
停橈莫上江州望清夜琵琶亦可憐

舟行感懷

踈林雨後澹無塵山色迎暄似小春漁趣急流帆上下  
鷺矜初浴影鮮新千愁盡入今宵夢一葉翻羈不繫身

歸去小窗浮茗椀得便宜處是清貧

重九前一日馮恒山大叅貽余盆梅一株欣然獨

酌

踈磬聲中朝復昏阮囊強半負芳辰忽從幕府分霜萼  
便覺秋光眷旅人影寫數枝渾似画香浮斗室迥無塵  
持觴笑向花神語乞米陶潛是後身

九日史昌言同門招同沈吳涵謝宇煌李澹聞登

松林山瞻拜明獻陵幔亭步酌帶月詠歸率賦

一章

快騎瓏瓏共拂鞭軟莎晴靄媚長天村鷄傍午還三唱  
秋色憐人又一年龍虎仍蟠當日勢松篁遙送隔溪煙



登臨幸不謬禾黍 聖主溫綸自藹然

世祖論所司先朝陵寢加

意護

史昌言同門覬問殷然賦此答之

冉冉香消日漸昏煩君短札啟柴門  
歌魚恰拜銀絲鱸 醉酒頻分白墜尊  
一自翻雲傳杜句 倍從立雪想師恩  
衙齋有暇還相和 傾耳如聞伯氏壘

謁選北上口占別內時內子緘寄吳妹託其買雙

鬟於江寧詩並及之

憐卿只合喚卿卿錦字徵歌念此情  
聞說千金方一笑 可能雙璧總連城  
如賓自昔非因貴 愛我天然不爲名  
買得桃根復桃葉 携來緱嶺共吹笙

三月朔日過青塘庵

日煖風微花暗香 憑輿翠色滿衣裳  
看炊榆火期中飯 便坐茅庵問早秧  
石壁當門松作筍 山蜂釀蕊蜜爲糧  
漫言香案蓬萊吏 一刻蓬萊與亦長

竹叢落成內子率虹女省侍偶得一章

隔院桑陰漸過墻 新移竹塢雅相當  
頻年宦况心如水 近日愁懷鬢欲霜  
有女粗能師郝法 問安閒便坐胡床  
遠山到眼青堪數 添爾閨詞又幾章

內子爲余再買小鬟命名珠來率成一章以志門

內之樂 二首

雙漿曾將桃葉迎 藍橋今又下雲英  
若非蟬鬢紛相接



不信蝨斯浪得名果栗欣然催小酌衾裯從此薄宵征  
最憐枕上嬌癡意未識承恩解珮情

佳名珍重說珠來入掌應知笑口開憐爾家聲猶太僕  
感君高誼果良媒雲鬢雙侍蓮花幔月榭同傾竹葉盃  
翹首群兒爭翠羽和鳴新詠滿枚臺

癸丑元旦偶成

燭光纔撤曙光新送喜欣聞鵲語頻四載呼嵩遙上壽  
一官飲水未全貧圖書好我閒裁句鐘鼓祈年勇賽神  
彈指春風將半月春郊想見綠初勻

題城北古樹

每遇送迎皆立此樹下

偃蓋虬龍古道傍折腰應笑使君忙  
蘇皮剥落千年秀

濤響滌洞六月涼豈是論功依大樹

陽夏侯馮異每戰後諸將論功異不

言功獨倚樹下人稱爲大樹將軍

寧同分陝憇甘棠

召公同周公分陝而治每聽訟于隴

人咏甘棠焉

他時五嶽重游此蠻榼青絲話夕陽

仲秋寄內

時在二兄署中

帝城秋色晴偏好馬首西山疊翠來  
三綬凌晨趨柏府百枝向夕展金罍  
寒依大被猶非客夢繞明珠未有胎  
倘拜新綸容澣沐與君同泛菊花杯

黑龍潭閣上望西山

指點珠宮結構難居然城市有煙巒  
未能一杖尋秋去且借層軒拄笏看  
不盡鄉心傾竹葉幾行雁影落晴灘  
盃闌好覓歸來徑翠柏踈星水氣寒



九日登文昌閣

客歲蒲亭當此日城頭擐甲擁旌旄何期黃菊重開候  
得把青尊共爾曹到眼山光雲氣盡滿身松影月輪高  
狂歌莫謂愁難遣破硯殘燈註楚騷

時張自臣輩  
被放並慰之

游祖園

悔不支筇納晚涼敗荷聲裡想荷香

季夏約敦仁  
往游不果

環溪

踈柳搖空碧布席平臺飽夕陽怪石半依前代樹新思

不改祖家莊李生迫促歸蹄疾懈可登盤菊又黃

席間  
李元

度復拉  
歸飲

晚起作家書

枕邊風葉思茫茫客滯金門苦夜長夢去踏殘千里月

寒來添却五更霜披裘坐待鄰鐘動逼案晴分圃菊香

便拂硯床書數紙歸心早共雁南翔

送注若南歸

忽理歸裝慰老親

注若久依膝下不言歸  
二兄力促之始發裝

青燈綠酒送

歸人竹林五月追懽少

余同注若共晨夕者  
五閱月可謂至久

馬首千山

返顧頻弱弟自能勤定省故鄉猶可樂清貧停盃累爾

無多語比舍時時貸米薪

祝注若四十初度

斑馬蕭蕭說送行嚴裝猶戀鳳凰城始知孺慕終身願

况復孤縣此日情堂上開顏傾竹葉門前投刺擁車聲

不嫌癡叔清狂甚攘醉霞樽到五更



憶注若二姪

冉冉晴雲送馬蹄如君高致合幽栖茲園好共家人醉  
半舫新從太史題茲園為注若別業擬歸構舫塞月一  
天看不得吳山萬疊夢全迷花時若許歸蓬華並坐花  
茵聽鳥啼

雪窻再憶注若

一片空明是雪光巡簷映雪探詩囊怪來 帝里三冬

暖讓爾南征十日裝

注若以十一月朔南歸都中以十  
二月初五日得雪計已抵家十日矣

郭外峰從亭下白

且亭可俯  
眺投子

床頭酒帶洛中香

注若從  
輿中携

歸路紅

霜蔬剪盡還投轄生滿家人說故鄉

阿城喜晤王甕亭留飲

疎柳長堤護夕暉牽船漸喜北風稀晚煙忽動村將接  
好友相迎馬似飛十載重逢憐鬢改一官如寄任知希  
同君亦有雲林興濁酒青燈話翠微時甕亭有  
乞休之意

楊青驛曉行

和風好日靜維舟意外津門此逗留兩袖自知無稅法  
中流猶剩有漁謳離離遠樹寒聞雁漠漠平田曉散牛  
慙愧今朝簫鼓發容携詩卷向 皇州

寄懷同門楊恂庵

時令蒲川

憶共程門托素知長鳴天馬步何遲艱難吏道心如水  
容易年華鬢有絲半秩尚稽緣卜式蒼生一出望楊時  
比鄰近有河陽客為附新聲戒夢思時潘又生年  
兄之任汜水



送王其人之任樂城

石渠家世本能文才子爲郎更不群  
剖竹新分三輔地飛鳧遙指太行雲  
軟裘快馬門如市濁酒踈燈我共君  
青綺道邊紅旆影臥龍晴樹影紛紛

東岳陽司李連海崖十二韻

連樂安人

北海推名郡乘州盛羽儀  
看花飛玉勒作李下彤墀翼  
軫傳分野荆襄若布棋  
赤松村不遠白鶴笛猶吹  
手斂無留牘心清自樂饑  
欲仙求美酒懷古問湘妃  
憶昔長安道曾聯連理枝  
芳樽誥爾汝逸調叶埴  
篋雉兔殘年共庚子冬盡承分餉雉兔風期我輩知  
東西看瀉水荏苒別經時  
泛梗依黃鵠裁書及紫芝  
幸君呼阿力欵欵叩相思

內人覓小鬟至自江寧口占一笑

飲水慙余拙忘勞賴爾賢  
承歡思玉樹選艷減金鈿  
画槩催桃葉新聲落彩箋  
相憐無綺語携手總芳年  
不忝南州句爭歌樛木篇  
紫芝看並秀白璧定雙拳  
畫錦喧闐日鵝鷓遶膝前

十一月晦夜酌罷讀王西樵十笏草堂宋荔裳安

雅堂詩集因憶張大芸圃

帷燈猶熠熠風鐸倍淒淒  
綠醕三更過黃雲一望低  
捫心聞塞雁展集獲金篋  
風雨驚人句雲山足馬蹄  
王維休獨駕宋玉想肩齊  
亦有同袍友能將幼婦題  
簪頭輕玳瑁鏡裡妬鴟鷄

芸圃有簪頭玳瑁輕如紙釵尾珊瑚小似星又有麝蘭但問爐邊鴨脂粉



難瞞鏡裏鸞之句唱和來荒署艱難守故谿倚雲惟一卷咏絮

恰雙栖舅夫人能詩賤子辭芻牧他鄉盡鼓鼙餘生纔泛蟻

幾日又歌驪金馬三時歷宮鳥午夜啼懷人青鬢改剖

鯉素書迷春草客歸展提壺並杖藜

喜二兄歸自金陵時六弟三姪應試南闈因懷及

之

越水孤帆倦長干大被同榴園還命酌桂權更隨風久

客歌驪易衝炎攬轡雄余自越回晤二兄於白下留數日而余先歸夢猶連

棣萼新已荐梧桐盼極天邊雁歡停花外驄阿咸開宴

集展席俯芳叢犀筍看頻下鸞刀總不空華燈光皎皎

家語樂融融時集飲注若筠軒憶遠青雲近掄才彩筆工霧開

騰隱豹星小祝維熊三姪新納寵眉閣偷分黛宮衣穩稱紅

重觴淹戍鼓拈韻走詩筒

內子新買小鬟口占二章以佐茗談

如賓久識孟光賢暫買翾風亦妙年茗椀爐香煩料理

溫柔且受細君憐

嘲游口號二首

相逢一歎事全非悔不衡門早樂饑宦况似同游况冷

教人何處賦無衣

酒滿河橋說送行朱提約束袖來輕驪歌唱晚爭投轄

消受春風一刻情

章江雜詩



平生愛誦錢劉句今日方知杜老尊總為問齋詩意好

一回搔首一銷魂時讀陳問齋先生所著少陵詩意

**張氏妣誼**字鸞賓張大司馬僖和公之季女行取德安明府姚小山公之繼配也生而柔

笄而禮能涉獵書史賢明識大體小山家居需銓次十年夫人治酒漿腆洗甃勉以求克承堂上權迨出宰花縣夫人偕行蒲亭當彫瘵之餘至僦民舍以居琴右書安之無懟色惟以清白吏相勉初生十女皆夙慧而殤夫人哀之間摠為詩歌以寓其鬱邑不平之感已復解簪導捐轍佩為小山卜勝視寢閨門以內肅肅雍雍詩筒茗椀唱和之樂無間言小山行取入都歿于中州夫人扶觀數千里間關南還茹荼如飴訓子女以報所天卒年四十有六其初刊保艾閣集方四松為之序以行世比諸荇菜樛木之賢今遴其未刻諸稿及南歸葵居之什猶有黃鵠孤燕之遺意焉其已刊者不載更

月夜示肩夢珠來

濁酒踈燈漏正遲自拈蕉葉寫新詩蟬因咽露聲初歇  
月欲依人影漸移冰署茹水堪避暑砌虫遶砌倍含悲  
年來多病眠難穩夜盡談心淚暗垂似我久能甘布素  
如卿亦厭画蛾眉剪刀聲裏吳綾小沉水香中紙閣宜  
舉案慚余頻唱和承歡賴爾叶熊羆時肩夢已有孕戴星不畏  
腰頻折飲水何妨爨少炊院外槐陰風細細瓶中蓮蕊  
影枝枝妝臺喜有書盈架共典牙籤共學詩

初度書懷

荆布同心十四年画眉常傍鏡臺前求凰我慕周南化  
聽訟君如召伯賢窗下分題花正放樓頭對飲只初圓  
忽思繞膝諸兒女雙淚盈盈湧似泉



水仙

遶座芳香暗襲人寒天相對更相親閒移曲檻承朝日  
靜倚疎簾望早春雪映素姿如解語風搖翠葉似含顰  
慚余拂硯無佳句自檢牙籤咏洛神

甲寅携肩夢珠來及穉女歸里畱別夫子

清燈濁酒語蟬連莫使淡閨望眼穿但下鹽書書早寄  
上林春暖待鶯遷

風雨阻南康有懷夫子

一艇纔登風便狂裹糧何事任南康千尋雪影峰偏秀  
數縷炊烟市已荒對景難堪旬日雨懷人不覺九回腸  
遙知官舍相思處靜夜孤燈獨舉觴

江雨感懷

攜手蒲塘作宦遊獨憐歸去路悠悠連宵不斷官衙夢  
細雨重添客舫愁怨逐曉雲過古堞淚隨春水向東流  
烟霞何日成偕隱對景分題足唱酬

和十九弟左夫人擬征婦怨

刀尺寒宵倍可憐征衣織手爲裝綿霜風塞外添君恨  
夜月樓頭向妾圓玉腕漸知鬆寶釧烏雲不耐整金鈿  
雁鴻嘹唳過妝閣獨自焚香拂彩箋

月夜聞孤雁

點點寒更不忍聞翻書無奈淚紛紛簾前睡鴨香侵案  
天畔孤鴻影入雲似我愁懷因遠別憐君哀響爲離群



當窻皎月明如水葉落空階夜欲分

初八夜月偶成

小葺新居景色和養生吾愛靜中多月窺明鏡光疑滿  
詩就殘更律若何却憶画眉增寂寞遙憐判牒廢吟哦  
竹齋寒勝知高枕飛夢應隨塞雁過

寄夫子

強將短札寫平安念別經年淚未乾爲數歸期愁日永  
懶吟新句任花殘雙妹共試金錢卜孤影余憐玉鏡寒  
三月鶯啼妝閣曉可能窻下画眉看

薔薇初放有懷夫子

無計畱春春欲歸天桃謝盡放薔薇關情未發潯陽櫂

携手花前願已違

病中初霽

夜淡頻滴瀝侵曉忽晴光燕語虛堂靜花開小閣香辛  
勤依藥竈憔悴坐匡床病後愁兼懶經旬未作妝

夫子奏最入都諸弟姪同餞北關共拈甌字次日

持示保艾閣畱飲因和韻一章

六載勞勞不斷愁幸趨 丹詔入 皇州烽烟已是經  
年別休澣那堪十日畱彩筆人人揮錦句香醪夕夕瀉  
金甌深閨怕聽雞鳴早戴露兼程事遠遊

夜雨不寐

入耳添愁思瀟瀟直到明眠遲知漏短暑減喜風輕花



音韻類編卷十  
淨生香細燈孤怯影清客程憂積雨應動故鄉情

雨夜有懷夫子

竹扉雙掩漏何遲坐裊爐香聽雨時塞北夜長縈客夢  
江南秋老起閨思風中落葉聲聲急雲外飛鴻陣陣遲  
靜對小梅如其語挑燈爲作憶君詩

讀長姊吳夫人履雪閣詩集二首

記得趨庭日逢迎阿母前自歸裘褐後倏已歲時遷病  
卸鉛華色愁償筆研緣感君同氣雅憔悴肯相憐  
疊翠樓居好松筠指顧間弄孫垂白首供佛列青山捲  
幔花陰靜窺檐雀語閒焚檀兼淪茗借此駐朱顏

哭纓芷閣左盟姊

十一年前與訂交兩人携手共垂髫看花濡墨朝吟句  
對月傳觴夜度簫

孟冬得夫子寄余初度詩次韻奉答

別後愁看月每圓新詩郵寄正寒天冰衙大被連三月  
紙閣寒幃冷半年憔悴自驚鸞鏡影支離猶愛鴨爐烟  
刀鐙記日頻頻誤入夢難禁意渺然

冬日接家書

大來韻

簷前落葉影茫茫別緒纏綿漏正長閒檢曆頭驚節換

是日大雪節仰看天際覺雲黃開緘細咏新來句煨火重添

遠寄香敦仁姪回夫子寄余香餅自是遊踪難自定羨他寒雁尚回

翔



雪夜憶夫子二首

朔風吹柳絮點點透窻紗心靜愁將遠寒淡病又加孤  
燈侵紙帳隻影傍瓶花更慮天涯客幾年可憶家  
掩卷將成寐樓頭漏已殘淚隨簷雪墮夢遶客窻寒釀  
熟思同飲梅開懶獨看懷人嗟歲暮片紙報平安

薄暮雨後携珠來登樓

輕寒薄暖雨初收呼爾相隨上小樓山影漸知秋色老  
霞光欲共暮烟浮鴉因覓食爭投樹燕欲辭巢更哺雛  
何處遠砧聲斷續暗添愁思入脣頭

夜坐

簷外烏啼樹影移挑燈欲寫竹枝詞停毫却憶柴桑月  
雁唳長空入夢時

冬日偶招長姊吳夫人表姊錢夫人及同盟諸姊  
妹飲保艾閣卽席偶成時雪

小窻拂几理青緗好我相邀過草堂雁以寒淡聲帶咽  
人因別久話應長梅含冷蕊枝枝艷風送飛花陣陣狂  
夕箭莫催還剪燭香醪頻泛紫霞觴

寒夜吟

節序將殘臘三年盡別離

夫子三年未  
在家度歲

山城霜落夜客

枕夢歸時孤雁悲明月群烏遶凍枝不眠成短句便羽  
寄相思

伯姒方夫人以水仙見贈賦謝



雪夜憶夫子 二首

朔風吹柳絮點點透窻紗心靜愁將遠寒淡病又加孤  
燈侵紙帳隻影傍瓶花更慮天涯客幾年可憶家  
掩卷將成寐樓頭漏已殘淚隨簷雪墮夢遶客窻寒釀  
熟思同飲梅開懶獨看懷人嗟歲暮片紙報平安

薄暮雨後携珠來登樓

輕寒薄暖雨初收呼爾相隨上小樓山影漸知秋色老  
霞光欲共暮烟浮鴉因覓食爭投樹燕欲辭巢更哺雛  
何處遠砧聲斷續暗添愁思入眉頭

夜坐

簷外烏啼樹影移挑燈欲寫竹枝詞停毫却憶柴桑月  
雁唳長空入夢時

冬日偶招長姊吳夫人表姊錢夫人及同盟諸姊  
妹飲保艾閣卽席偶成時雪

小窻拂几理青緗好我相邀過草堂雁以寒淡聲帶咽  
人因別久話應長梅含冷蕊枝枝艷風送飛花陣陣狂  
夕箭莫催還剪燭香醪頻泛紫霞觴

寒夜吟

節序將殘臘三年盡別離

夫子三年未  
在家度歲

山城霜落夜客

枕夢歸時孤雁悲明月群烏遶凍枝不眠成短句便羽  
寄相思

伯姒方夫人以水仙見贈賦謝



此去 帝京鄉思杳依依池草夢中生

月夜泊清江浦

明月光如水輕帆影趁風人家晴浦外客路碧波中  
听柝知宵靜魚舂與市通推窗觀遠岫斗柄已橫空

早起見雪

開簾先怯冷風生一片光搖玉鏡明侍女乍驚飛柳絮  
小爐撥火試茶鐺

寄懷履雪閣吳姊夫人

雁序分飛後難忘登翠樓因君情最篤添我淚長流  
春暖花鬢放風和蝶性柔歸鴻來冀北錦字慰余愁  
夫子夜飲友人宅余同珠來煮茗俟之

攤書無一語幽恨爾難知月上花翻影愁多病欲絲  
爲郎猶久待夢燕果何時頰有瓶梅放清香到酒卮

哭夫子

四首有序

嗟乎夫子見棄悲憤難申送別中州尚有刀鏃  
之約驚聞凶問忽傳薤露之音血淚千行柔腸  
萬斷捐軀就義奈何穉女不離懷敬守遺言料  
得藐孤能繼武詩以當哭筆不盡哀笄笄寡婦  
愧無班大家之竒才渺渺孤魂淡痛曹世叔之  
早逝追思往事回首酸辛漫賦誄章聊代黃鵠  
悲鳴之至云爾

驚聞訃信出中州搶地呼天不自由一息雖存魂已失



寸腸盡裂淚空流廿年恩愛成長別兩月分離有便郵  
觸目傷心悲慘絕泉臺渺渺願同遊

旅櫬天涯倍可傷哀哀血淚滴麻裳人間泡影原如此  
泉路孤魂正渺茫強惜殘生因弱女空留薄命在他鄉  
從前多少繁華境今日都歸夢一場

奠罷椒漿慟莫禁追思往事更酸心一生孝友天難問  
半世功名恨轉深埋玉枉留身後歎種花空望子成陰  
無情最是臨窻月偏照孤幃淚滿襟

遠寄遺書更慘然膏肓伏枕竟難痊捐軀一死徒無益  
立繼存孤效昔賢皆書中語縱有佳兒承父後可憐穉女繞  
靈前唱隨恩重何由報矢以劬勞慰九泉

輿中吟 六首

強起科頭入筍輿風霜未慣泣窮途可憐縞袖層層濕  
不灰空教血淚枯

半彎曉月耐清寒紅日離山露未乾却憶画船簫鼓發  
窻前指點話峰巒

客歲舟行四月、並肩窻下日題詩一簾疎雨黃昏後  
濁酒清燈舉案時

封緘千里囑遺言立繼成家慰九原從此茹荼過歲月  
撫君子女報君恩

一路秋山馬首迎秋雲片片徬山生楓林入望紅如血  
應是愁人淚染成



龍鳳洲集卷十  
心從何處不成灰遙見荒村草店開爲囑孤魂須到此  
今宵早向夢中來

雪夜示墳男

北風飛柳絮點點入簾寒朔雁悲宵永愁人話夜闌望  
兒能映雪有母解和丸萬卷先人澤鷄窻仔細看

寫梅

爲愛寒梅玉質堅小窻淡寫墨如烟神疑大庾峰頭得  
香似孤山頂上傳傲骨儘教風雨恨冰心不望雪霜憐  
酸心幸有垂枝子他日調羹爾占先

暮春寫懷

年來血淚漬麻衣忍見空堂燕子飛杜宇聲聲知晝永

薔薇片片送春歸半簾花影渾如画三徑苔封靜掩扉

一自玉樓人去後窻前鎮日伴鳴機

中秋哭奠夫子

是夕大風雨

每逢佳節意難忘病骨那堪更斷腸無術可求懷夢草  
痴情欲覓返魂香清燈濁酒徒增恨驟雨淒風總自傷  
一滴椒漿親作奠哀哀血淚已千行

雨後坐月下

桂魄當空漸吐光雨餘深院怯新涼久荒筆硯難成句  
日近參苓幸有方塞外孤鴻初啜月庭前衰草欲侵霜  
誰家玉笛聲聲怨落盡梅花午夜長

寫菊



青田風雅集卷十  
點染秋光數筆中  
踈枝淨蕊意無窮  
只宜素影臨宵月  
一任嚴霜鬪曉風  
冷淡自知留晚節  
蕭條原不怨天工  
春來桃李由他好  
獨守東籬舊短叢

寫蘭

寂寂虛窗晝不譁  
倦來潑墨偶塗鴉  
濡毫欲寫臨風葉  
落紙先生倚石花  
貞靜宛存幽谷致  
芳香一任美人誇  
謾嫌點染無丰韻  
蜂蝶從今不敢加

春暮感懷

四首

苔痕映碧雨初過  
淚點成紅染素羅  
屈指都門君別後  
泉臺已隔二年多

梅子青青護小窻  
風來魂蕊送餘香  
可憐春在愁中盡

滿地殘紅總斷腸

作繪拈題欲遣愁  
濡毫無奈淚先流  
追思画舫同遊日  
對景銜盃足唱酬

巡簷眉月透窻明  
淡鎖重門夜色清  
就枕欲期魂夢至  
子規偏作斷腸聲

秋日江姑太夫人招飲賞桂感賦

蕭瑟秋光積淚痕  
感君慰我獨開樽  
庭前丹桂花方茂  
簷外金橙葉尚繁  
爐爇梅檀時奉佛  
袖藏梨栗日娛孫  
良宵促坐更籌轉  
月影溶溶上短垣

夏日述懷示女舜玉

淡淡碧葉覆窻勻  
雨過榴花滿樹新  
淚眼且開看世態



龍印風羽絲集卷一  
愁腸暗結歷艱辛掌中弱息堪娛老身外浮雲那是真  
不爲貪生存病骨總因嬌穉未成人

夏日卽事兼示埴兒

蓬窻竹几對新荷閉戶看書却病魔經雨芭蕉心獨捲  
未黃梅子苦還多虫呼螟聽聲偏切燕哺雛歡語尚訛  
妄擬能飛形肖日劬勞恩重意如何

自慰

未亾茹苦且隨緣忽忽離君已數年殘喘強安皆佛力  
此身原不望人憐翻因薄宦增逋負剩有荒田納稅錢  
冷暖世情都勿問餘生尚可樂詩篇

冬夜讀埴兒玩月詩喜用其韻

紛紛落葉別枝柯殘菊依簾影欲過茹檠慚余佳句少  
揮毫愛爾綺才多風侵紙帳聞鴻雁月滿霜堦冷薜蘿  
屈指三年應對策飛騰爲問志如何

又次前韻

梅蕊臨窻放舊柯流光倏忽日頻過新絲入鬢眉難展  
往事縈懷淚每多玉露凝霜飛画檻金波送影上藤蘿  
庭堦種得蘭芽茂繞膝題詩喜若何

長至日雨窻有感兼憶兒埴鄉行二首

無心酬令節况值雨如絲拙性由人哂甘貧只我痴囊  
空艱藥餌病久廢詩詞却慮兒曹幼衝寒策蹇遲  
念汝猶童穉連朝冒雨行山澗寒氣重野店朔風轟噉



前川風雅集卷一  
指心能動還家夢屢驚倚閭情最切愁聽雁悲鳴

十一月念七日卜地麻山送夫子歸窆詩以代哭

二首

自君棄妾歷風霜縞素茹荼歲月長逆送自安能自慰  
水心片片對重蒼

牛眠卜得費尋思晝夜經營之葬資罄盡  
替嘔盡血  
獨憐孀婦苦誰知

初夏

杏子纍纍壓短檐曉窗一枕夢翻甜昨宵細雨簾前過  
今日繁花架上添怕落燕泥移画帙何來蛛網挂書籤  
肩扉似與塵囂遠自撥茶爐煮貢尖

暮春同夏姊及諸嫂入石門冲掃  
慈大人墓便

遊方氏別業  
二首

結伴春將暮芳郊十里程沿堤看麥秀一路聽鶯聲菜  
圃踈花滿山田小犢耕  
親坐知不遠難制淚縱橫  
拜瞻魂欲斷何處覓  
慈顏蘋藻綠浮水杜鵑紅映山  
縣崖飛瀑布古壑積苔斑不盡登臨意烟霞忘世間  
倦游思小憩連袂進柴關曲徑都穿水高亭遠接山雨  
餘春塢靜池濶野鷗閒日暖游蜂聚花前自往還

姚文丞

字聲侯號栗岑贈光祿戊生公之第六子也  
生而穎異戊生公渡器之及長為諸生即樹

幟文壇驚其長老年二十餘難弟介侯夏侯相繼  
歿各遺藐孤公撫誨若已子諸孤以次成立姊適  
方子遂高早寡奉之惟謹四松先生挂冠歸里清  
風兩袖尋以公事株累家產蕩然公讓宅迎姊居



之延師課甥會祐教養兼至粵遊歸即分貲購宅  
為甥授室族黨咸稱重之公曰此吾分內事也生  
平游轍半海內當世名流聞聲引車咸有把臂入  
林之願然公雅負壯志青紫可契展取顧以數奇  
屢困棘院晚乃屈就閒秩謁選都門意氣抑抑遘  
疾而沒當路咸悼惜其才以為不及用也而一時  
王公大人車蓋臨哭闕阻行路觀者歎曰今日之  
事與永叔之叙聖俞先後一轍矣平居好佛嘗與  
名衲遊壬子再客五羊夢老僧引登峰頂絕險處  
面青石壁僧舉杖劃壁先入迴身招公公知非凡  
境將奮往就之僧笑止之曰子塵緣未畢十年後  
吾於此地待子辛酉公病于京即瀕篤從兄羹湖  
持之泣公笑曰吾與壁中人有約此行良不惡何  
泣為詢身後事不答含笑瞑目跏坐而逝計卒之  
歲與前在五羊得夢時恰十年往聞昔人云人一  
生學問於臨歿時得力今觀公之解脫如是得非  
再來人耶公作詩甚富然多散佚今其子士蕃士  
畚搜篋中遺稿請予選定為存其若干首以紀略  
云

查淑子招同倪叔昭大安寺僧廣慧飲酒樓望水

西諸勝

高挹千峰爽俯矚五溪碧翳翳蒼翠淡碣磳波濤射晚  
汐與濕嵐細縕日易夕三寺禪廢興雙塔閱今昔梅點  
山容白桃綻流水赤蓮葉昨田田蓮房今堪擘把瓊問  
太清光陰信過客天風吹羅衣珠塵盈綺席長嘯山谷  
鳴細酌金壺液梅屏桃塢皆水西絕景  
注若姪春水船落成漫賦三章

結構等閒事幽賞屬斯人丘壑藏胸中疏鑿存天真園  
亭互曲折水石獨清新位置得妙理瀟灑誰與倫適志  
匪所急經營待老親葺此一笏地先駐漆園春  
三間製不同數年謀其始開軒面方池微波散文綺擷



荇與牽芳歷亂几席裏石竇出流泉潺湲聲在耳何用  
簫鼓隨輕橈莎听艤所以濠濮間會心在止水  
踈櫺盪遠岫依稀坐画船竒峰蹲石罅老梅浸寒泉延  
賞復窮勝拾級躡其巔且亭翼然起書堂淡柳邊花柵  
浴竹圃不知市與廛把琰驅霜威醉月斗十千南山來  
空翠對此更悠然

就亭歌贈愚山使者因步龔芝麓年伯韻

就亭主人龍岡客綬曳桃花頭正黑七載兩遷屬巖疆  
竹馬兒童爭相識盛代終軍合請纓梅冠陶柳豈近情  
使君長才疏凋劫桑麻處處樂春醒閒闢荆榛起危閣  
烟嶂晴嵐環籬落涓濱千畝自青青閣皂歸雲擁秋籜  
瀟灑一水復一山到處無嗟行路難連床時共公孫被  
綈袍誰令范叔寒今朝豹隱藏深霧峴山黔首泣江路  
使君醉酒澤畔恣長吟誰識使君父母孔邇之寸心

南巖行

南巖夏木幾千章屈幹樛枝飽雪霜岡巒突兀復迴翔  
中有古洞深且藏題咏摩挲莓蘚蒼法書彷彿鍾與王  
風磬飄零響曲房松名羅漢竹筴管峰四面兮水一方  
翠巘丹崖几席傍空濛潮氣接湖光橘柚青青杭稻黃  
時和年豐景物芳太守張筵樂未央政茂潁川並漁陽  
子庶熙熙化日長潮人戴公逾桐鄉賓從鄒枚無所將  
願公玉液飲一箱紫綬年年縮印床何時佳會飛羽觴



意中雲樹永相望

同覺然本無二上人遊九星巖

洞口亭午受曦影苔侵佛骨慈容靜木梯孤架石梁昏  
冥晦如夜燭雙秉上下迂迴路幾盤鳳鳥螭龍留勝境  
前躋人髻後摩肩聲聲呼喚驚簪井石磴暫臥筋力舒  
罅漏微光泉氣冷中豁一竇列雲峰稻隴篠溪百萬頃  
歸尋流米遺跡多地鼓石角發溪省頻傾酒露滿瘦瓢  
寒月東來挂霜嶺

同倪繪江余淮來過華捧閣與慈濟上人茶話

孤閣臨沙渚相將聚茗柯風聲欺老樹潮影暗長河櫺  
入晴嵐秀香生午夢和江南花事勝不用唱驪歌

讀省靜堂詩集

仰止依前輩蕭蕭騷起後生一年詩磊落萬卷氣縱橫甲  
子義熙事風標大曆聲海鷗超世網豈肯逐浮名

宿九里潭懷楚黃李雲田家彥昭夫子

潮落灘尤險終朝未一程流隨晴嶂轉橈住夜潭清蘿  
月侵衣冷莎螢掠水明遙遙師友意孤客倍關情

竹湖舟泛

風景東湖好家家傍水灣落霞烘遠樹微雨住前山涼  
至炎威減雲歸帆影閒秋塲茅屋小花護槿籬斑

滕王閣晚眺

勝地閱興廢高風峙古今江光吞樹遠雲影護樓深獵



馬嘶荒草寒禽集暮林夢中圖峽蝶延賞快招尋

望廬山瀑布懷自庵上人

舟自湖心直山容靄碧霄一泓垂百丈幾折度三橋練  
影樹中見濤光望裡遙豆坪堪卓錫重訊酌花瓢

舟過湖口縣用丁彼雲韻

殘雪積林柯征帆入望過宿鴉翻凍影曉艇負寒蓑城  
割石鍾半潮吞章水多敲推逢勝友吟事未蹉跎

同注若姪及兒蕃舍適軒酌月

向夕晚炊繁尋幽憩小園芥茶香入座叢桂月當門起  
自閒中識生從病後尊上游烽影息坐此足朝昏

由萬金嶺入石柱宿查氏園亭六首

微徑捫蘿入穿雲屐齒孤峰光騰野馬帆影落平蕪寥  
汰空無際蓬瀛近可呼古亭藏曲磴疲茶已全蘇

路曲防岐路山深蔽遠山茅菴春茗啜石柱野雲閒籬  
落烟千縷杉苗水一灣行行雙屨至揖我啟柴關

執手快升堂將迎老雁行離懷過十載夏木近千章久  
作金門夢慙分陸賈裝阿兄如念我應憶碧山莊

碧山舊遊地閱歷幾悲歡捧硯詩常滿彈冠興未闌何  
緣多難日尚作故人看感此綈袍意中心矢歲寒

高齋豐膳具游子曠懷賒荷蓋持承酒筠筐競點茶陰  
晴山數畝向背屋千家泉引方塘注奚奴晚灌花

石隱名堪並逍遙論志居爾公新築也教兒循禮數混跡伴



樵漁補屋杉皮接穿厨竹規虛暮年拋俗累抱膝自如  
如

聞家堰別家世植禹甸同彥昭師換小舟入蕭山

二首

送別聞家堰輪錢坐小舸霜繁烘浦樹穫晚苦秋潮狹  
港難容槳低頭說過橋白沙環翠竹村徑各蕭蕭  
大小湘湖接烟波萬頃含西興昏海氣北幹點松嵐村  
利多依水官租半在蠶眼中風景好來不爲分甘

賞架上薔薇時大兒應試皖城

是日立夏

種卉初無意看花幸有時經營常在此爛熳忽如斯絳  
萼花迎幔繁陰綠浸池舉杯春事餞雀語報高枝

聞吳太守唐風病詩以柬之

整日行臺臥紫髯况當梅雨正連織病因久客非關酒  
官到竒窮益見廉方著君臣搜藥畏史分朱墨亂牙籤  
黃山風景應須惜悵望徒歌昔昔鹽

贈李雲程醫士

葛巾荔服自如如壺隱蹉跎五十餘家計落因多難後  
丰神健似少年初無田不用嗔租吏有子還能讀父書  
從此海棠巢上月清光遙映舊蓬廬

同程非二李雲程畢載之游寶相寺訪元旭上人

不值

筇支滑徑俯藤蘿不憚炎威嶺上過松竹青青留午夢



龍眼風雅集卷十  
烟霞歷歷起沉疴  
枕傾雨莢春園好  
筍斲雲根夏日多  
采藥尋芳何處去  
遠公踪跡遍巖阿

贈湖北兵備施愚山先生東歸

東歸暫著遂初裳  
握手殷殷道故鄉  
帆外蕭疎沙磧雨  
榻前飄渺墨花香  
宦深更覺秋雲澹  
翮健真同海鶴翔  
屈指徵書來紫闕  
通侯早晚趣行裝

贈舊豐川令潛柱高爾建

偶來瀧谷聽鳴絃  
便訊文翁舊宰賢  
聚首始知居宦苦  
歸耕偏乏買山錢  
一圻花發猶沾雨  
三篋書成敢問天  
近日左驂誰解得  
鄉思長傍白雲懸

望湖亭遇同里友人

曲徑深深石檻斜  
閒亭寂歷鳥聲譁  
湖光百道連芳草  
烟樹千重散落花  
處處調絃催白苧  
家家曝網就晴沙  
故園消息勞君話  
茗椀頻傾穀雨茶

詔石舟中招歛友洪宜中飲梅花三白

峰迴艫轉水粼粼  
夏木陰陰雀語頻  
容易下灘連夜雨  
殷勤先酌故鄉人  
紅垂荔子香風遠  
白漾梅花酒氣新  
屈指珠江看漸近  
平安何處寄雙鱗

姪庭若招同方且易張齡若范一范吳與皆甥方

受斯姪庠若過桃花洞尋梅

晴山幾疊繞溪迴  
春事勞勞數往回  
香到手中村酒滿  
暖浮花外夕陽來  
草堂舊是中丞宅  
竹圃新看處士梅



繞屋更須雙樹古午橋他日好追陪

舟過小孤山

孤筍凌空積翠苔蓮宮金碧映江隈柳橫彭澤春烟澹  
瀑落佳山曉霧開樹影半浮鷗影上峰痕倒浸水痕來  
漁翁路熟天台近采藥新晴日幾回

望海幢寺有懷惠陽上人並何玉其玉如昆季

紺宮高峙翠微間說法生公不等閒潮湧海珠寒月上  
宗分曹洞筆花斑飄蓬敢附東南美問字難忘大小山  
宿溜秋光今且去孤筇未肯負烟鬟

海珠寺在水中

題江允凝飛光岫册子

腕餘慘澹墨痕香松黛雲鬟互渺茫延賞溪山歸化筆

探竒林壑入奚囊怪堪作供光難掩顛可呼兄拜不妨

飛岫亭亭三片石霜容隱約是江郎

京口阻風同諸子遊金山詩

茲行蹇滯在歸途元發輕舸興不孤潮送繁華傳六代  
山留名勝控三吳鐘聲兩岫空今古樹影中流乍有無  
手掬寒泉塵累淨冷然一盞勝醍醐

報國寺古松下飲

濤聲時撼讀書樓步逐松陰踏早秋浩劫幸存秦火外  
佳名猶倩漢封留鶴巢密葉雲歸寺酒泛清暉月滿頭  
老叟支離剛數畝仙人掌上晚帘幽

桐邑古塘有松九  
林在仙人石後亦

掩映  
數畝



芙蓉曲 四首

縑上芙蓉花持贈共晨夕並蒂耐秋霜未忍輕拋擲  
人愛花光艷儂愛花影癯亭亭待秋風葉葉已懷珠  
芙蓉製為裳裳薰百和香秋窻何所事斗帳繡鴛鴦  
先秋芙蓉開後秋芙蓉老草木尚知時郎回應及早

夢漁婦贈詞

雲水遙遙覲面艱呢喃私語近關關君居潛岳神仙窟  
儂寄茗溪荇帶間

戲答漁婦

亞亞緩艣小舟橫識盡風波閱世情夢到巫山最高處  
橘黃蘆白月三更

束口洲觀插秧

地接南天淑氣和春燧競闕插秧歌青苗颭水波痕縐  
晚饁催耕麥酒多



龍眠風雅續集卷八

木厓潘 江蜀藻輯

孫

願

字儀之一字隨邛號艾庵少事封大夫通議

為業尸養不置時仲季年甫髫髻公以兄道兼師  
道撫育教誨司馬魏科著望監軍大節成仁皆公  
之素所玉成也東髮時即具成人器植品端亮績  
學淵宏弱冠以七藝入泮司衡者稱與左國爭衡  
前輩左忠毅公光斗侍御公光先方中丞公孔炤  
皆忘年締契如曲江長源每義出同人爭錄而傳  
誦刻有寓言近業及過江諸稿行世崇禎壬午以  
明經就選由京學博士遷仙居縣令甲申春值國  
步多艱大司馬馮公元颺擬具疏以兵部職方薦  
用將母情切掉頭南歸公之經濟風推隆中甲戌  
里門之亂賴以莫安乙亥巨寇數十萬薄城公毀  
家紆難佐令君楊公爾銘畫策捍禦彈丸歸然里  
人至今頌之居鄉有太丘彥方之風間左事有不  
平皆就公質決迨解組歸里奉太淑人色笑外雅  
不與聞外事嘗有但得慈顏添一笑不將孺慕易  
三公之句及居太母之喪也易戚交盡四方于是



手觀禮時年近古稀猶作嬰兒啼晨昏不輟行路  
為之感泣尋卜佳城於三台之麓負土成墳樂廬  
號柏著有三台紀年廬墓雜咏諸集至明季篇什  
甚富率與時忤以故闕而不宣者尚多也大司馬  
張公秉貞素以公為畏友通政假歸晤言間頗慶  
王貢公婉辭之隨有今時未敢一干澤前代曾經  
三授官之句足覘公之崖畧矣歸田垂二十三年  
已酉秋端坐而逝時年七十有三門人謚孝惠先  
生子四人長中章次中佐次中倣次中佩皆有父  
風子從事風雅之選會諸子皆遠遊無從摺拾今  
幸續輯將竣得藉手以效  
表揚不可謂非厚幸也

初歸泊樅川家叔維北過慰時值蒲節對飲因念

三弟克咸殉難閩中

相對蒲觴歲月侵故園簫鼓動湖陰亂離尚喜家猶在  
情話偏多酒倍斟憶弟空悲中散調當時誰識汨羅心  
忠魂聞說依雲谷

在閩之建陽卽朱文公築晦庵處

回首滄桑淚滿襟

余以癸未之春適有廷對之役秦氛沸灼北道  
遄征三策方深杞憂四愁亦等緯恤壺漿單食  
父老殊愧馬嵬荆棘銅駝中樞仍耽燕處催兵  
塞外誰為就道之汾陽部署城頭僅同兒戲於  
灞上時緣將母乞假旋南指落日以驅車斷音  
書者已旬月望神皋而隕涕謀社稷者止一人  
聊紀廿絕略存一路悲歌用寫中心愁恨云爾  
聞秦中失守二首

秦關幕府已蒙茸百二全輪寇作墉多少材官誇鉅鹿  
誰將函谷一丸封

無計除克闢草萊關中鐵騎笑于鬚不知白骨誰能肉



可奈黃墟盡作灰

聞闖賊入宣雲二首

羽書朝夕不堪聞  
引領榆關止一軍  
元老壯猶誰可恃  
長陵風雪正紛紛

壺漿滿路本吾民  
三晉風靡亦似秦  
銅馬近傳■收上  
谷恐連畿輔盡黃巾

大封有感二首

燕臺駿骨幾人收  
匣裏新書仍逗畱  
戰氣何能同廣武  
如今雍齒亦通侯  
未央置酒定功宗  
斥埃何曾息戍烽  
盛世多膺不次賞  
只憐李廣竟難封

撤寧遠戍

山海從今止一關  
班超豈不願生還  
共知帷幄多籌算  
寧遠銷兵指顧間

時議南遷

燕臺北拱自清寧  
豈恃高皇弓劍靈  
謾道東南多王氣  
幾人收拾小朝廷

別同邑諸老

尊前一夜是離情  
明日春雲送客行  
君輩承恩宜報稱  
南還許我聽啼鶯

別吳湯日

手談近日欲欺君  
忽動歸思征馬紛  
謁者謾言同鼠竊



滄桑別後不堪聞

江干別友 二首

東風一夜柳條青最是傷心送客亭長鈇莫歌惟舌在  
村醪覓得醉還醒

長劍西歸學壯遊相看今夕敝貂裘春風亦似傷離別  
江上明朝是石尤

不寐

梨花點點落疎籬疑是寒枝雪後垂短榻孤檠全不寐  
窻虛漸透曉風吹

途中薄暮

芳樹淡枝近暮寒歸途今日是邯鄲平沙四望無煙火

始信孤村一飽難

喜近淮陽

驅車明日易舟船春老淮南雨稻田遙望秣陵將母近  
此身猶幸未瞻天

訪一令不值

馬首東行旬月間客身如病客心頑近來安邑多嚴令  
姑射城頭未可攀

將歸有感 二首

四方多事日驅車秉鉞還同賦子虛我挾長弓嫌旣老  
莫將兒子誤詩書

風雨耘耔輟故園一銜瓠落未承恩更憐兒女懽相接



不信中原笳鼓喧

孫中鳳

字喈公號水厓司馬餘菴公之仲子也少儻善屬文補博士弟子員屢試高等隨司馬

公避地金陵與兄振公弟易公臥公輩延攬四方名士文壇詩社爭樹赤幟一時有荀龍謝樹之目及振公捷南宮易公登賢書公獨數奇不偶晚歲始以明經貢于鄉雅爲三韓張中丞董司馬所推重振公易公相繼謝世司馬亦復捐館公爲家督訓子弟以禮御僮僕以法家政肅然暮年娛志泉壑尤耽吟咏所著有雲溪半舫越遊閩遊諸集子曰瑰兄弟方謀梓問世第公豐于才而嗇于遇賚志以歿迄今言及公者無不嗟歎懷慕亦可以想見其生平矣

張留侯

六王忽已畢四海蹙秦疆劉項共逐鹿入關驅虎狼推才推漢祖萬古稱最疆手烹走狗將何論沐猴王高皇善用人人孰用高皇圯橋納履士獨以柔制剛英彭弗足恤絳灌焉用臧平勃雖智計交歡亦尋常惟公若處子進退恣翱翔松豈必真赤石豈必真黃顛倒隆準公入我掌握藏後有五湖客扁舟急倘徉如公實明哲從容在帝旁神龍帷幄中吾敬張子房

漢武侯

抱膝觀世局圖畫決鼎分終身號臥龍寧澹不求聞一言感三顧遂爾定紛紜赤璧出奇計一炬靖群氛嗣子豈足輔關張蚤失群蜀道非不難誰封劍閣雲鞠躬矢盡瘁志欲立殊助凄風五丈原中夜心如焚懷忠報先王夙念乃自忻將略何必論屢退祁山軍血痕化腥碧前後出師文千秋真名士吾敬諸葛君



謝太傅

夷粹每難保忽當險與迫誰能懷大略矯舉鎮橫逆江  
左誕偉人東山推逸客本爲涵養潛豈關絲竹癖射湖  
風濤中群紛惟獨適性情及度量久卜非常格陳兵石  
頭城茲會良險厄浩浩賦洪流望階方趨席壁間撤阿  
堵矜莊頓以釋晉祚危復安身寧等一擲車騎耀山陬  
內舉不煩擇秦師七十萬草木摧魂魄心靜原無驚何  
庸疑折屐識定神渾全憂喜皆應迹德業合至道吾敬  
謝安石

狄梁公

世運罹武壘乾坤一變更宋張諸嬖倖狐鼠恣縱橫舉  
朝飲狂泉衆濁奚獨清梁公天所篤翱翔歷公卿外靖  
矢正直內密涵忠誠對御抑昌宗褫裘憚靡爭敝袍出  
獄吏告變獲重生從容保帝子潛移女主情鸚鵡旣垂  
翅何須食鶴鷓反周復爲唐鰲柱一臂撐茲力人所難  
吾敬狄懷英

郭汾陽

卓犖入宮後唐祚又將移鑿輿狩西蜀兩京旋喪師靈  
武偏北鄙奉帝舉義旗王室獲再造元功匹者誰賊滅  
四隅靖憂讒乃委蛇重門仍洞開示人無猜疑鄧辛諸  
大將擁麾之邊郵排闥見姬媵澣役如嬰兒窮極奢與  
慾福祿亦允綏二十增四考中心一傾葵晚更懾強奴



龍眼屋邪續集卷八  
單騎解孤危勲業奠宗社威名播華彝千百載一人吾  
敬郭子儀

李鄴侯

絕粒升天衢鳴珂游帝闈兩義能並取福慧惟夙根方  
員與動靜一賦舌可捫平生懋相業四語矢弗諼德憲  
二宗朝櫻鱗孰承恩飲醇復兩沙要言每不煩紫衣二  
十載衣白志仍存天子手燒梨只等煨芋飡僊人作宰  
官吾敬李長源

韓衛公

宋世多賢相難盡屈指提惟有衛公賢兩宋莫與齊銳  
志禦涇虜僇力事征輦泊乎陟樞要允爲大厦研定策  
擁英廟博陸兼日禪置身方周旦德業亦堪躋鄭公懃  
絕交沒世未與携歐公癖厭孟片言未與稽學養及識  
量孰與測端倪堂上畫錦永亭下晚香低仰止遵芳躅  
吾敬韓穉圭

徐武寧

於爍明太祖在漢高光間臣僚所保全良易亦良艱若  
乃武寧王首踐元勲班韓彭暨馮耿指麾如等閒惟王  
與東甌先識隆準顏從此渡金陵長驅大漠還君臣心  
德合恩義允相關唐有李衛公智略邁人寰宋有曹武  
惠福德堪追攀惟公實兼此吾敬徐中山

王新建



漢宋諸大儒未登師武壇誰將朱陸旨用兵如孫韓宸  
濠謀大逆暗結群小歡舉朝胥側目攫鱗徒批肝虔州  
有制府潛伺日無端一朝兇出柙殲殪仍誅殘武皇旣  
南幸宵王群索瘕天王自聖明實鑒臣心丹麓川與荆  
頭峒等千萬盤蝨螻化羆虎竊弄潢池九窟踞恣反側  
剪滅良云難神機運竒略破賊心膽寒搜捕遂蕩平勲  
功勩不刊悟道以逍遙游又奏舞干立德又立功吾敬  
王子安

過南華館

條風動蘭皋旭日泛平陸步屣綠疇間遠近恣游目庶  
草吐春芽新鶯出幽谷桃李下成蹊阡陌時驅犢桑柘  
起微煙巖壑爭飛瀑萬物會乘時吾生獨局促漸漸麥  
秀哥聽之傷心曲烏頭無白時空擊燕市筑

題金子藏曲水園

三月氣晴明涼颺釋煩煥策杖尋名園群峰煙水蘊莎  
徑遵城隅篁扉凝幽谷緩步陟層巒川原聊屬目芳草  
生萬里淺深疊遙綠逸蔭依豐碑穿林折迴麓孤亭水  
石間徙倚欄杆曲高會適閒情楸枰屢移局呼童藝松  
枝開樽注醴醪銜杯對夕陽嘯詠何淡足歸興轉翛然  
暮雀喧林竹

贈姚彥昭四十

南山有嘉樹托根青霄上其名爲松柏蔦蘿實相傍姚



音韻屋形集卷八  
子天下才風流多倣儻弱冠負令名詞壇日飛將振古  
發竒書英流寄高唱交結盡名儒冲懷軼元亮君族盛  
簪裾雅志獨超曠介弟已先鞭君情更孤抗以彼命世  
姿青紫豈殊望胡爲四十春傳經只自賞余也寡交遊  
惟君洽情況招我池塘遊氣誼彌天壤我意薄輕肥君  
懷尤骯髒昨朝走燕臺擊碎胡琴響聲價重黃金公卿  
爭頡頏歸值縣弧辰開樽傾家釀示我北征詩勝事誰  
能尙孔翠在煙霄羽翮已高颺趙璧本無雙佇待連城  
償鐘鼎非不榮遲速安可量會當建功名強仕年猶壯  
葛藟有本根車笠毋相忘

題祁氏寓園

八月潮水平風日淡容與一葦涉中流言遵寓園渚緬  
彼兩君子偕隱結幽侶我登南屏峰旋止西山墅蘿煙  
覆蒼林水香帶青嶼坐我碧琅玕酌我雲腴醑澄懷生  
道心清言滌煩暑夕陽歛峰壑操舟溯浦淑千紫萬綠  
間翩翩告遐舉

秋浦侍家大人晤周芮公年伯暨令嗣希韓承示  
嘉什賦此奉酌兼送歸里

千仞徂徠松百尺龍門籜威鳳翔丹霄崑丘巢白鶴憶  
昔全盛時正笏遊京洛老親託儔侶心期重然諾撇眼  
忽滄桑音書久寂寞遙遙望八閩高踪寄雲壑匿影恐  
不淡飄然遠矰繳冥飛天際鴻迥異枋榆鵲婚嫁勞向



平五岳遲芒屨翻作舊京遊重來問鎬亳景物是耶非  
傷心渺難託惟有潤州民口碑猶鑿鑿早春來清溪錦  
堂牽繡幕公子炫門楣勝事傳射雀綵服新承歡雙雙  
奉杯酌嘯傲偕林宗山水怡康樂游歷各成詩分題富  
游橐老親喜聞聲扁舟遠相索往事寓不言老淚杯中  
落小子侍座隅精神龍馬躍肅拜交令嗣丰儀何焯灼  
執手罄交歡素心比花萼官舍奉盤匱旅懷忘落拓自  
是孔李交寧比今人薄所期天廟才健翮搏秋鶚安得  
共扶搖聯翩仍似昨輕風吹河梁岍柳絲絲弱攀折難  
爲懷更訂秦淮約良會不易期吾翁返故閣雲樹重相  
思命予省晨朔狂飈不相惜冷雨連朝惡曲巷枉軒車  
爲云歸心作相示秋水篇字字如珠錯以此歲寒心淡  
情逾毫末草色麗芳洲曠覽江天廓吟上芙蓉船解衣  
恣盤礴迢遞越關山日益詩囊博我聞閬苑仙絳雪克  
丹藥雲輦騶虬螭歌嘯通廣漠願公享黃髮齒德尊天  
爵方將跨白鹿採芝佐藜藿倘對刺桐花寄贈無嫌數

寄阮生召樹梅嶺

阮生卓犖天廟器欲剪秋衫採菱菱飼客頻傾北海樽  
卷簾坐擁南山翠龍山秋色正沉沉楓葉蘆花夾岍溪  
振衣欲著閒田賦抱膝能爲梁父吟草堂卜築鹿湖口  
花徑藥欄隨意取開園自種五陵松依門更插三眠柳  
有時飄緲臨丹崖斗酒百篇真僊才騷賦淋漓驚屈宋



文章麗藻駕鄒枚當時二阮不足美文采風流君獨擅  
玉案香生翡翠床綺窗花發琉璃硯今年年甫二十餘  
感時早著洛陽書嶽嶽丰標推玉立英英汗血真名駒  
慕君意氣與君友指水旌心應白首敲銅夜闔子安詩  
燃藜對剪周顛韭握手徘徊憶去年扁舟同下秣陵天  
孤飛不獲青雲薦依舊重歸白下船如君豈有長貧賤  
明光起草應須見他時應看曲江花杏林掩映宮衣茜  
經年別恨各躊躇目斷晴江雙鯉魚憐我空彈幸舍鈇  
如君猶閉草玄廬丈夫然諾自不苟况吾與子交最久  
秋風八月蟬螿肥殷勤寄我共杯酒盈盈一水隔蛟臺  
江上陰雲霧不開兌時重訪山陰戴掉船直向剡溪來

山居雜興

四首

野澗孤煙直溪苔積徑痕霜花開帝女秋草老王孫僧  
步橋邊月虹垂雨後村因思避秦客何處是桃源  
隱時同鄭谷築室憶焦先煖酒林間葉支筇雨後泉鳥  
驚樵路火鷄唱嶺雲天澗峽飛花滿臨流想釣船  
土銼炊煙冷清菘佐野餐幽棲尋輞水卜宅問王官砌  
靜中吟雨山空月送寒東籬數枝竹猶可報平安  
小閣秋燈靜柴門夜月殘江魚肥入饌霜橘綠堆盤緗  
帙映茅屋鄉心倚釣竿所思流水引應向子期彈

夏日園居

二首

遶郭千峰秀登臺四望齊孤雲隨上下流水忽東西畏



前明風雅集卷八  
俗詩將廢徐行酒自携匡床幽夢覺起舞聽鳴鷄  
畏人思小隱學閉子雲廬過夜留鐙火支筇斲圃蔬甘  
蕉千爨翠明月一床書僻性容吾懶無勞長者車

浮渡

積翠空林色歸樵帶落霞春泥沾屐齒踈樹露人家藉  
草留狂客飛觴醉野花夜堂聲寂寂鼓吹滿池蛙

納涼

東籬微雨後涼氣入簾櫳紈扇搖明月羅衣試晚風流  
香來徑外清吹出林中移席踈桐下芳樽幸未空

送吳炎牧遊越

二首

依人良不易劍鋏莫輕彈覓句添春雨乘潮怯夏寒亂

離驚鼓角飄泊變衣冠遠道憐孤發封書次第看

湖山風日好看盡不知愁薄醉花飛席高吟月近舟榔  
鳴孤客夜衣搗萬家秋何事辭佳勝翻爲汗漫遊

舟次荻江

扁舟思破浪却恨未乘風潮襯長天碧霞蒸晚岫紅病  
多憐骨瘦吟苦覺詩窮隔岸青帘近行沽路未通

片野堂卽事

二首

南郭難逃跡東山好結廬煙雲彭澤徑風雨杜陵屐文  
草依藤几苔花覆石渠隱囊詩興逸臥對一床書

遠岫連天碧柴門一塢封登樓懷庾亮卜築近張融疊  
石苔痕繡踈燈樹影籠步兵秋興好詩酒號江東



龍門先生詩集卷八  
秋日江洲有感 二首

獨眺層臺上天空起雁群孤城淡黃葉落日麗秋雲砧  
杵千家合風煙萬里分還山悲短髮笳笛夜深聞  
熒惑連宵燦光芒射斗明關河鬱鄉思鼓角亂秋聲客  
夢三更斷羈愁千里生一樽對江月無限古今情

金竹屏

徙倚斜陽外松陰亂鳥音塔鈴搖碧瓦金磬出珠林樓  
閣蒼崖迥芙蓉秋嶼深浮丘如可晤吾意老山岑

雲興寺

耽幽忘遠近倦憇石門筇龍吼驚僧鉢溪聲冷寺鐘哀  
猿啼斷月闌鼠啣蒼松欲悟無生理叅禪叩雪峰

寄劉超宗

豆花雨歇小窻虛家對龍山構竹廬避地自栽彭澤柳  
逃名獨釣雪溪魚高樓待月聞清嘯秘閣燃藜校異書  
憶爾隱囊詩句好吳江楓落近何如

秋日楊元凱總戎招侍家大人並戴山民飲能仁  
院寺

幾載元戎早築壇欣從蘭若盡清歡筵前別校催檀板  
苑外行厨浣玉盤八陣圖開秋月白三江波湧夜潮寒  
酒酣却話當年事漫許僧鐘報夜闌

宿東林

玉壺凝露碧街涼金粟繁開見上方出木橋邊秋草滿



放生池內晚杭香鳥驚落葉鳴溪籟龍吼飛虹挂石梁  
爲問聰明泉尚在可能容我滌詩腸

遊太乙宮

九天縹緲浪花飛卷幔嵐煙上袷衣古殿晝陰環珮冷  
石壇秋靜薜蘿稀仙宮寂寂餘丹竈金磬泠泠出翠微  
巖下杏林風夜響常疑騎鶴十洲歸

薛伯裔明府招遊白鹿洞

扶筇漸入白雲鄉樹色蕭森石徑蒼堦下茵陳袁紹席  
籬邊花帶令公香觴浮曲澗泉聲細亭近松篁秋氣涼  
仙洞鹿書俱泯沒山精爭向半巖藏

東流望龍山

分飛倦羽任孤還隔岼漁訶月一灣遠水自流青嶂口  
數峰斜出白雲間到來秋浦東西驛喜見龍暝大小山  
蕭瑟自憐同庾信詩成曾否動江關

寄王勝時

桃渡相逢暮雨收江風先送木蘭舟煙花到處催人老  
雲樹經年繫客愁武子狂來猶躍馬仲宣遊罷倦登樓  
縣知蓮幕花如雨曾否行訶得自由

九日

策杖初登望遠臺蹒跚黃葉半峰開幾聽画角傷心切  
見插茱萸短鬢催江渚何人重北望遼陽有雁復南來  
菊花縱說東籬好時事難逢笑口開



音韻原平續集卷八  
遊石照山喜韋子寅先生許玄文胡裕明偶至  
白沙翠石武陵谿倚杖穿雲路不迷弱草更添苔印滑  
寒泉清徹雨絲低空中曙色疑懸鏡洞裡晴光似炤藜  
幸有戴顓携酒伴雙柑同許聽黃鸝

遊崑崙十二樓

高閣凌虛俯數尋松間曲磴散微陰人來幽谷驚樵火  
客到僧房止梵音山勢疑連衡岳遠花源不讓武陵深  
登高漫笑忘歸去雲水招携愜素心

晴眺

客裡閒遊趁筍輿踈煙點點泛清蒲望中遠火明還滅  
雲外孤峰淡欲無拚飲不辭金谷醉揮毫難似輞川圖

窮途莫厭多搖落賦得新詩了舊逋

送方世五之長安

二首

高樓酒散曙煙殘送別休嗟行路難獻賦秦庭空按劍  
承歡官舍且加餐黃河人去孤舟迥驛路花飛客夢寒  
最是奚囊詩句好萊堦應作綵衣看  
幾宵杯酒聚天涯無奈離情慘暮霞作客那堪仍送別  
知君此去等還家春風蝶夢迷芳草夜雨鶉啼憶落花  
別後相思頻寄語好從雲樹盼歸鴉

贈姚翼侯

白舫青簾勝事賒頻年詩思滿煙霞携來吳艗新游草  
醉遍杭州舊酒家挾瑟有人扶翠袖徵哥到處引紅牙



前明風雅集卷八  
扁舟又發五湖興莫爲殷勤訪若耶

晚過莫愁湖

城南勝地日蕭條况是西風萬木凋  
遠樹半銜初落日亂帆爭趁晚來潮  
園亭寂寂名空在煙水茫茫恨未消  
惟有寒汀沙上木年來年去認前朝

拜武穆祠

墓側陰霾樹影孤空餘遺像肅雄圖  
蠟封西檄回犀甲計定東窻賜屬鏤  
合室依然同俎豆六陵何處委榛梧  
只今碎盡塔前檜得比黃龍痛飲無

拜忠肅祠

廟貌蕭條峙水湄孤忠常並岳王祠  
只拚繼歿酬當國寧計虛名重盛時  
血染御衣懷往事苔封賜額認殘碑  
瞻依願借遊仙枕示我黃梁夢裡思

姑蘇懷古

西虹橋下劫灰新來往胥濤賤白蘋  
霸業已銷花徑蝶錦帆猶滯洞庭春  
漫云粉黛能傾國須信山川也誤人  
寄語沼吳休見恨鴟夷聞道亦沉淪

同姚經三夜話

秋風先後動征車懷袖存君尺素書  
短鋏共彈霜落後清樽同把月明初  
乘舟敢負剡溪約得句知探禹穴餘  
怪爾久虛前席對還容登陟滯籃輿

宋荔裳招同蔣虎臣宋旣庭小集聽曲分賦



詞客追歡每見招四門關定管絃調  
訶當細處人偏靜  
聲故停時韻更嬌  
鸚鵡筵前翻樂府  
鷓鴣城下泛金焦  
身依蓮幕忘爲客  
歸櫂空嫌別夢遙

吼山

蕩漾輕舟問玉川  
巨靈開闢跡依然  
丹崖翠壁疑無路  
錦樹青葱又一天  
大壑空從神女鑿  
流砂疑自葛仙傳  
何堪風雨催行櫂  
蠟屐難追太史船

雲門

踏碎村橋月半天  
水重山複淡生煙  
乍經鷲嶺千層雪  
細聽曹溪一夕禪  
法雨散時花影亂  
佛燈清處夜珠圓  
無端塵土勞勞客  
別夢空依白乳泉

寄別錢亦友湖上

別時籬菊黃無賴  
又見江梅雪滿林  
雲裡雁鴻驚失序  
天涯風雨隔同心  
飄蓬生計誰青眼  
蕭瑟秋聲入苦吟  
惆悵歸舟難共發  
相思不語更情淡

發石鏡亭

絕巘憑臨敞翠亭  
千秋片石尚含靈  
半江月影浮雕檻  
萬井煙花冷画屏  
鸚鵡不言芳草綠  
鳳凰何處暮山青  
僊翁片晌黃梁夢  
破却人間幾醉醒

竟陵道中

憶昔曾爲白嶽遊  
驅車又值此深秋  
連年幾見關山月  
到處偏牽砧杵愁  
五夜霜寒如北地  
半生踪跡盡南州



漫憐塞雁頻來往經歲徒爲梁稻謀

題王青蓮方子山遊草

歷盡關山欲白頭唱酬吟遍浣花洲隋堤柳色看將變  
御苑鶯聲聽未休摩詰新篇真似畫方干佳句冷如秋  
他時同向旗亭醉應有雙鬟拍板謳

元夕集葉岫雲署中

屢邀清讌倒金罍銀榜招携入夜開爆竹聲殘驚歲改  
傳柑曲盡喚春回兔凝皓魄藏冰窟蟾引清光挂鏡臺  
惆悵清宵又三五繁絃急管苦相催

奉陪葉岫雲遊顧渚恭祀御茶因看周圍海棠漫

和原韻

河橋新漲亂流波爭覩輕車問俗過羈客自經湖海慣  
宰官偏受水雲多龍頭春去啼朝雉驛路花飛擁綠莎  
轉憶山陰修禊日風光偏在越巖阿

六月望夕同陳屺堂陳辰侯令子思啟暨鄧田公  
鄒榮陽集荷亭泛月紀事次屺堂先生元韻十  
絕時以偶集未及奉留魏夫子並悵江非訥孟  
康子之逃席也 八首

江城日薄燦明霞熠熠香生菡萏花疑是谿頭飛片出  
風光引入武陵嘉

暑氣初微水簟收星河耿耿淡雲浮凭欄人指扁舟去  
彷彿秦淮競渡遊



更聽長年鼓擢歌田田綠葉熨輕羅幾回艇放光無際  
擊碎銀河萬顆波

典裘貫得酒新芻爲問竒情何處搜最是玉繩良夜永  
不教浪起動眠鷗

笙歌漸遠櫂初開笑語頻煩兩岍猜驚起老僧禪定後  
殷勤相喚點茶來

何處胡麻別一天裴航豈易說逢仙却教辜負今宵月  
自舞荷枝唱采蓮

江郎佯醉渡清橋暗指兒家歎路遙惟笑孟嘉情太減  
閉門空自學參寥

解谷吹來月共迎客中留客見淡情疎豪莫笑狂奴態  
意氣原從我輩生

孫中夔

字臥公號章一司馬餘庵公第四子也少聰穎初就塾過日誦輒不忘操觚綴文驚才絕

艷流寓秣陵補博士弟子文名籍甚四方人士爭樂與交會世運大革司馬公挈家蹈海兵戈捨擻中侍膝下共患難者獨臥公一人嗣後每出遊卽携之行故所著有江越及楚粵諸什焉居家以讓處物以和事至共信其無爭而不之怨也性愛蕭閒常折枝驅驢往來龍眠椒園蒔花植竹于郭西片野草堂課其子曰琦學成名立里中咸推爲佳公子焉憶戊子巳丑之交振公與予交最善頗以制舉義相簇礪旣因文社蜀洛不能執讒慝之口幾逮隙末惜公晚歲始篤金石交相與結花會昕夕唱酬而未獲與公綢繆今讀公詩麗而不靡質而不俚歎爲得未曾有鍾長史之于魏舒不云乎吾之不足盡公有如此射矣

孤山

煙雲淡處昔賢祠乘興扁舟薦芷薜滿徑梅殘春雨後  
半山鶴唳夕陽時斷碑已蝕元豐字遺筆還留逸士詩



和靖有降乩  
詩廿餘首  
子固讀  
書處

前日屋牙  
熟讀離騷  
酣飲酒應  
教子固發  
狂癡

山舊有會

### 金山卽事

六朝形勝控南天  
漫道江東帝業偏  
濤舞魚龍吟夜月  
山迴烏鵲破春煙  
壁門鼓角將軍幕  
射圃艤幢戍卒船  
擊楫中流懷往事  
英雄誰不愧先鞭

### 錫山新柳

維纜春堤載酒過  
綠絲垂綠覆長河  
佳人對鏡新眉斂  
旅客臨岐別恨多  
細縷受風吹斷岬  
舞腰著雨濕寒波  
相從爲訊張公子  
彷彿當年意若何

### 姑蘇懷古

戍角悲涼對夕曛  
画帆錦纜日紛紛  
水犀無處尋殘壘  
金虎依然擁舊墳  
蓮渚臺荒煙際月  
屨廊人隔夢中雲  
烏棲漫唱城南曲  
孤客心酸不忍聞

### 雨後宿虎丘僧房

二首

磴閣凌空逸眺偏  
寺門流水碧涓涓  
當窓雨氣侵綃幕  
入夜風聲吼石泉  
遊屐踏來苔蘚翠  
妓船歸去柳條煙  
老僧容結高陽伴  
徙倚山樓聽暮蟬

翠壁蹒跚似舊時  
招提零落不勝悲  
名山肯倦登臨興  
勝地難逢絕妙辭  
柳颺垂帘朝試茗  
梧深賭墅夜聞棋  
興亾風景茫無定  
惟有千年悟石知

### 贈靈巖繼起和尚并懷檗菴大師



布襪過從未有期偶來精舍問須彌嶺雲澗草跣趺夜  
茗椀繩床晤對時元亮愛花還愛酒遠公談法不談詩  
何年悟得西來意看取庭前柏樹枝

岳王墓二首

高宗陵廟委煙蘿讀史人猶恨議和泥馬但圖新甲帳  
金牌不顧舊山河風沙古墓英靈在戊卒有踐公陵者其日風霾晝晦

鼓角秋原血淚多漫道全家同俎豆兩京未返痛如何  
痛飲黃龍會有期臨安何事詔班師金人縱却書生諫  
新王原無帝后思湖水日吞亾國恨荒陵深鎖向南枝  
縣知成敗關天意腸斷延祥墮淚碑延祥閣各有宋碑歷紀公績

蘇小墓

妓館淒涼錦樹幽香魂無主翠娥愁寧從泉路埋紅粉  
不願人間賦白頭妓以十四歲天亾夜夜琴聲鴛鴦水月妓落籍武林墓  
在構年年湖汝浙江秋苧蘿枉有傾城色難博蘇堤土  
一丘

岳王廟

建節年何少含冤數獨竒渡河甘馬革矯詔泣鴟夷和  
議生前恨偏安歿後悲忠魂知戀主不改墓南枝

放鶴亭

兩越就佳勝東西二隱同釣魚煙水外放鶴暮雲中巖  
瀨舟曾繫孤山櫂未通到來登眺意何處問逋翁

湖心亭



龍門風雅集卷八  
極目斜陽暮蘭橈且暫停金牛沉斷岬宋時有金牛出湖中錦樹  
沒寒汀雲起中流白峰遙入望青只今歌舞地勝事在  
湖亭

飛來峰

丹嶂穿雲立崆峒繡碧苔冷泉沿樹引寒翠逼衣來伽  
葉空中落蓮華掌上開冥冥風雨夜只恐更飛廻

伍相祠

靈祠威越嶠瞻仰共躊躇豈是仇勾踐惟慚負闔廬乘  
湖秋水濶拂劍暮雲虛國破西湖在知公恨有餘

蔣虎臣先生招同姚經三登秦望二首

蠟屐同穿虎豹群丁丁樵斧半山聞仄尋石級披紅樹

倦倚危巖墮白雲松蝕苔斑虬影亂竹含煙黛翠痕分  
秦皇禪岱多風雨輸我登臨對夕曛

楓林紅逗翠屏幽箕踞高吟最上頭雲脚亂時飛鳥墜  
石腰細處暮猿愁模糊蔓艸登封碣想像神山采藥舟  
久矣無人搜勝蹟我曹重接舊風流

過李公麟舊址

處士居猶在園陵宋祚移山川渾舊日花鳥自今時月  
散芳椒影煙沉墨竹枝先生喜種椒善画墨竹閒來搜勝迹登眺

客心悲

山遊候導及駕侯諸子不至  
之子來何時夕陽半明滅東風昨夜吹好花落如雪采



采拾瑤華行行踏玉屑石磴俯清泉壺觴隨意設良朋  
會有期佳辰難再得煮茗坐煙蘿遲君溪上月

三月十九日聞杜鵑

啼遍春風血已枯聽從此日倍踟躕難消今古年年恨  
常傷關山夜夜呼雲樹傷心迷蜀道花枝和淚染蒼梧  
諸陵寂寞荒苔裡試問魂歸定有無

春日別錢西頑回田間

送別山城對夕暉流連樽酒故依依已知天地容詞客  
何事風波入釣磯寒夜歌成雙鬢改春江雪霽一人歸  
從茲珍重田間集郢曲由來和者稀

爲張子藝催妝

繡箔明璫擁翠輶珊瑚鈎映月娟娟簫吹夜露樓頭鳳  
妝掠香雲鏡裡蟬雪以謝孃題更韻眉因張敞画偏妍

朝來芸圃如添句

子藝有芸圃集

應有平原贈婦篇

黃鶴樓侍黃雷听先生家大人咏

黃鶴高飛向十洲蒼崖猶剩舊危樓水沉鸚鵡晴川沒  
濤擁魚龍碧漢浮金枕夢酣何歲月琪花手植自春秋  
樓中有睡像并手植仙棗城頭落日西風起應是仙翁笛未休

經楚王宮故址

楚宮花草舊山河極日蕭條感慨多春井荒煙啼野鳥  
秋江寒月弔湘娥千年鳳闕迷金盃奕代龍雛委碧波  
賊破武昌悉縛高帝神孫投之漢水自古興亡同此恨寥寥三戶近如何



鸚鵡洲

鐵鼓橫過天地哀追思往事重徘徊先生擇主應歸漢  
魏武何人解愛才碧血不隨秋草變靈旗時擁暮雲來  
江流如識當年恨夜夜驚濤吼若雷

漢江懷古

孤舟落日任飄蓬擊楫江流恨不窮騷客珮捐秋浦外  
雲妃珠弄月明中餘皇百道軍容散組練三千戰壘空  
漫說滔滔天塹險不堪回首大王風

赤壁咏懷

赤岍晴霞遶碧城孫曹從此建牙旌烏棲匝樹無溪志  
龍戰千年有盛名破壁久銷金炬火洶濤猶叱鐵戈聲  
只今鶴唳亭臯夢霸業回思一羽輕

甲辰重過西湖

菰蒲深處重維舟記得當年汗漫游垂柳折殘傾國恨  
寒花瘦盡六橋秋斜陽驅馬荒村靜夜月啼烏古殿幽  
縱有笙歌喧竟日淒涼風景客心愁

贈笑隱上人

老去投閒野外居芰荷深處卽吾廬豆棚蒙翳防驅馬  
曲沼縈迴待放魚清磬一聲山月起秋蟬群噪夕陽初  
遙思學士遊僊夜應馭香風到碧渠

師所居卽蘇學士渠舊址也

春日送黃瞿園歸省

惜別當三月寧親此一行江程催畫鷁客路聽啼鶯雲



前明唐荆川集卷八  
樹離人意關山故國情荔枝歸正熟返權及春晴

乙巳仲夏示別兒琦粵行

家事頻叮囑謀生爾勿踈別當三月暮歸待半年餘慎  
疾勤調藥添孫早寄書北堂萱艸色好自護庭除

留別戴二道及

豈是好行役饑驅且問津傳經勞課子餬口愧依人池  
夢應相共家書莫憚頻晴江千里權雲樹倍傷神

題季遠之觀奕圖

楸枰分角暮雲天踞坐旁觀卽是仙曹沫登壇功在劫  
祖生攬轡着爭先戰經虎穴難分手地割鴻溝好備邊  
消息箇中誰解得東山一局破苻堅

入西山偕玉公茶話竺菴和尚繼至步家大人韻  
古寺投閒遠市城籃輿來處踏雲輕竹聲晴送涼風爽  
山色陰含暑氣清餉客蔬盤烹紫芋供僧茗椀斲黃精  
向平婚嫁何時畢到此先淡出世情

步歇堂禪師投家大人韻

爲訪幽居得得尋青蓮臺上一登臨摩空翠壁參天出  
遶屋蒼松匝地陰水碓泉春溪雪亂山厨蔬剪石雲淡  
前峰一任來蕭史香城面不聽簫音聽梵音對蕭峰

侍家大人入青原喜晤無可大師二首

不覺十年別珠林冒暑尋危橋騎馬滑窄徑入雲溪乍  
晤無多語相逢只此心故人難聚首珍重一披襟



音韻通雅  
拈香蓮葉座旅次祝平安豈是因熱爲愁作客寒逃  
禪鄉夢靜懷缺世途艱明日維舟處孤峰天際看

倒插荆

爲七祖手植枯已多年昨以無師挂錫復生三幹豈師卽祖再來耶

霜雪經千劫猶餘幻化身空花無定相大地有長春暫  
共朝葵溘終回律黍新曹溪知再世卽此悟前因

新秋雜感二首

夜色新涼入望賒更闌清淚濕悲笳赤虹望斷經時雨  
白雪愁淡六月花瓠子不須沉玉版河渠已見沒黃沙  
故園剩有東陵地歸向吾廬學種瓜

短鬢蕭疎首重搔儒生淡悔誤青袍詔除爭問黃金貴  
賦就空唵彩鳳高馬橐豈真囊蕙苴張棹不信載葡萄

從今好荷劉伶鍾世事惟應付濁醪

舟行卽事

一劍飄零客裡身年過三十尚沉淪祇因菽水兒全缺  
頓累椿廷老向人驛路應逢柳酒熟秋風淡負荔枝新  
世途不信無青眼漫吼龍泉泣鬼神

將達虔州

已是悲秋客兼乘上瀨船水淡纔及尺路遠動經千漸  
近浮屠樹遙飛戍堞煙預知棲泊穩村柝不須傳

聽斯命自譚雙江遺事

戍笳淒切咽殘曛往事猶追萬石君大宛爭馳沙苑馬  
昆明空習水犀軍白虹劍氣衝霄漢碧血燐光冷暮雲



回首孤城曾百戰至今野哭不堪聞

### 偵陽峽

聞說萑苻阻石磯卽看買舶往來稀  
藤蘿風葉垂千尺榕樹清陰覆十圍  
紈素難捐秋夜扇刀砧不擣日南衣  
杜鵑遍喚春歸去疑剩珠江春未歸

乙巳秋日侍大人入南華禮六祖並憨山大師肉

相因次總憲龔芝麓先生韻

八首

寶林初躡屐入望白雲封一衲維摩地  
諸天梵刹峰香煙籠法席水月淨寒鐘  
紫鉢東來後花開五葉宗小憩梅林畔  
摩娑榕樹陰石蟠蒼翠老山入暮煙  
淩風慧文人業真如古佛心暫時瞻法器  
歸櫂細披尋

蓮葉空王座塵心此地灰拈香因看桂  
選勝待尋梅鉢呪神龍逝羅張獵獸迴  
五燈燃不夜鈴鐸尚餘哀杖錫空林外  
鉢衣浣石泉法從東土演家自范陽傳  
臺鏡燈前偈經床夜半禪跣跡痕未泯  
翠壁障雲煙獅象峰雙峙原無先後分  
偶然留色相本自寂聲聞唳鶴廬山月  
浮鷗楚岫雲廿年重示現龕啟舊將軍

已證金仙覺仍耽玉版憂鼉珠澄夜月  
鴉語肅清秋法相當身現皇恩曠代休  
曹溪涓滴水分派萬支流

入夜繩床坐秋山月正明茶瓜遊子供  
蔴麥衆僧耕迦葉袈裟舊開元玉玦輕  
琳宮擗法鼓雙塔晚風清

憶昔經行處拈花便結菴河橋明夕翠  
山郭擁朝嵐怖



前明風雅集卷八  
鴿棲虛檻遊魚戲曲潭香風吹十里樹樹是優曇

入廣州喜晤四兄八弟并送之歸里

故鄉經歲愴離群聚首天南話夜分  
蕭寺秋花同借榻客窻燈火得論文  
已迴靈運池邊夢暫慰梁公嶺畔雲  
最是老親顏色好平安先報北堂聞

贈趙霞潛奉養歸里

禺江忻接憲臣車九月天南節候殊  
瘴海夢回懷陸橘故鄉秋老憶潘輿  
布帆書畫丹楓外錦幔風霜白雁初  
聞說嶺梅開漸近一時分手重躊躇

實行上人短歌

遠公挂錫廬陵路浮杯忽問珠江渡  
布地先營選佛場

拈花倒插菩提樹菩提柯葉碧森森  
東西遞構梅檀林潭影山光增慧業  
白雲春草靜禪心憶昔熊羆初下粵  
烽火千林人跡絕隔浦陰房海上燐  
秋原野哭寒沙月上人人望心慘然  
手弄摩尼珠五色一聲鐘撞天門開  
法雨慈雲垂手接我公氣骨本嶙峋  
來往人間六十春丰神清瘦誰堪似  
自寫梅花持向人淋漓墨妙爭稱善  
那知公自呈生面乞得東枝壁上觀  
吳山越水常相見

閨中看月 十首

綺席金樽碧玉娃踈陰淡處按紅牙  
冰輪不逐歌筵散

玉笛吹殘影未斜

席上

香雲重縮卸蟬妝入幌穿帷夜色涼  
綃幕低徊眠未穩



清光目送轉斜廊 枕上

冷露微雲碧戶幽玉繩有意逼簾鈎風光此夜難拋却

展轉欄杆懶下樓 樓上

藤蘿踈影覆堦除虫語聲聲絡緯初不識玉關今夜夢

隨風曾聽擣衣無 石上

虬枝曲曲映妝臺露白煙沉月影催不定驚濤轟樹底

天河疑泛夜珠來 松間

簾幙風吹翠色翻竹間明月最銷魂琅玕無限森踈意

猶照湘妃舊淚痕 竹間

小苑寒梅臘後春梢頭微露月光新兒家一片憐香意

翠羽休驚夢裡人 梅間

芳砌微飄舞絮輕月輪初上雪初晴若非星斗相參錯

天上人間一片明 雪後

清光如鏡照窻紗聞道秋來月有華欵步空庭紅袖濕

纔知衣帶染霜花 霜後

雨歇梧桐已二更銀河耿耿露華清惱人天氣真難料

放出冰丸入夜晴 雨後

望羅浮有感

蜃雨蠶煙黯不開愁心空對越王臺名山不及尋幽入

秋水徒勞放櫂來香界久荒鷗鷺盡丹丘溪閉鷓鴣哀

嘈嘈翠羽梅花樹贏得遊人夢一回

豐湖懷古 二首



前明風雅集卷八  
渚清沙碧古循州爲侍籃輿竟日遊海氣接天常作雨  
蠻風入夜便無秋灣空明月紅蕖滿嶂冷披雲翠蔓幽  
勝事卽今寥落盡春花不信有扁舟豐湖一名西湖爲  
坡公舊築  
危橋石翠漾晴空薄暮登臨思不窮城市漸殘兵火後  
雲山已盡客途中荒祠遺像餘春睡古寺寒煙寂曉鐘  
公有爲報先生春睡足  
道人輕撞五更鐘之句辜負解犀留勝蹟風流逸興有  
誰同

經朝雲墓

二首

烏啼荒壠沒平沙憔悴朱顏冷暮霞白法渠應空世相  
青山我自弔才娃香魂夢斷蠻鄉月薄命愁深瘴嶺花  
惟有平湖春水綠年年蘋藻薦鉛華

莫嗟侍妾倦沉淪半偈如來幻化身團扇竟拋行雨夢  
舞裙不礙散花人煙沙極目湖山改歲月傷心蔓草湮  
岑寂不堪追往事筆床簫譜倍傷神

乙巳侍大人客棹江寓崇報寺守歲

宵析聲催燭影斜老親柏酒共天涯園桃不信冬垂果  
籬菊驚看臘綻花鄉信何時傳驛使春風依舊入人家  
趙佗城畔休回首客裡蔬盤度歲華

丙午隨大人入潮宿通衢館驛次愛梅亭壁間韻  
欲寄梅花驛使稀迢迢馬首颺晴暉蠻天海色春初到  
秦嶺山光鳥任歸蓬矢不須愁汗漫筍輿且共對芳菲  
何時刻漏隨仙仗帝里垂鞭柳絮飛



藍關懷古

碧檜蒼松映晚晴先生廟貌自崢嶸不因雪擁孤臣馬  
安得忠傳侍御名骨肉悲歌情倍切鄉關險阻恨難平  
當時諫佛曾何意肯逐仙車赴玉京

循江舟次喜晤雲間張子退子炎昆仲

年來歸臥碧山阿同客天南意若何瘴嶺梅花鴻雁少  
晴江榕樹鷓鴣多旌旗永日聽吹角羽檄無時息荷戈  
聞說鳳城春色好且登絕頂待蠻歌

春日拜別大人之程江

別向梅州一擢行渚花汀草片帆輕雲山客路春正月  
煙雨蠻鄉夢五更旅次風寒煩絮語老年骨肉倍關情

臨岐更囑彈綖暇莫輟窓前夜讀聲

贈洪暉吉明府步史立菴太史韻二首

有兄同譜籍寶馬曲江鞍似我千人拙如君作吏難青  
樽聊共慰白眼任相看官署閒吟暇時時問竹安  
君才非百里驥足正難量載酒時驚座瞻雲日憶鄉雨  
餘芳草潤風過墨花香治狀如清問終知卽墨良

別洪碧槎明府

春江千里路迢迢春山二月鳴鴟鴞彌生懷刺何所遇  
人情險似太行之山高丈夫落拓竟如許龍泉吼處驚  
風雨越江才子獨翩翩意氣文章邁千古出牧程封有  
異聞金魚紫綬稱神君余也拏舟恰相值感君傾蓋誼



如雲鏤管淋漓五色花人人奇字問候芭兒童竹馬嘶  
芳甸弟子笙歌隔絳紗今時強項難爲吏風塵碌碌空  
憔悴五柳先生何許人肯事區區五斗計故園松菊足  
幽討一聲長嘯天地小賦就淵明歸去辭鷓鴣啼破青  
山曉屈指長安待奏除暫時鄉國奉潘輿官閒日永詩  
兼酒宦豪風清画與書驪駒倏忽歌當席杜宇催人歸  
去疾別來如念薜蘿衣莫惜梅花樹消息

丁未仲春示別兒琦姪瓌侍大父越遊

燈火年年郭外廬家貧累爾亦驅車征途不慣長爲客  
郵驛須教數寄書枕共秦淮春雨夜衣添江上曉風初  
禹陵金簡多奇字弟唱兄酬興莫踈

九華陰雨

曲曲高登最上一頭摩空陰雨客心愁蒼崖煙暝層層寺  
紅杏花開處處樓碧澗尋來俱勝迹金沙隨地是丹丘  
獨憐供奉多遺咏此日無從問舊遊

雨中楊嘉樹過訪因携襪被留宿分得虞韻

故園三載別離夢兩人俱著屐尋僧寺敲門扣酒徒江  
程催去雁春雨濕棲鳥慢策陵陽馬陰雲尚戒塗

時嘉樹將訪姚六康明府于石埭

黃左之携尊過訪招董丹伯楊嘉樹懽飲竟日分

十三元

亭午清陰滿苑繁藥欄深處一開樽尋芳客到常題壁



看竹人多不掩門，日落天連山翠色。  
雨餘塔潤石苔痕，寥寥知己難同醉。  
酒散江樓戍角喧。

秋浦僧寺喜晤汪惟肖

江郭鶯花五月天，逢君客路倍歡然。  
錦囊詩卷消清晝，馬帳琴書載画船。  
東閣高吟才子共，南皮勝會故人憐。  
勞勞亭畔垂垂柳，折贈相思記七年。

贈徐月鹿銓部

藻鑑冰壺画鶴廳，十年簪筆侍彤庭。  
班聯薇署陪鵷鷺，疏乞蘭臺慰鶴鷺。  
江驛乘潮春水碧，山城攬勝暮煙青。  
宮雲御柳啼鶯日，曾與吾兄並馬聽。

贈姚六康明府

憶昨循州覽勝還，君家兄弟共權顏。  
已知綰綬陵陽麓，何幸班荆秋浦間。  
客到論詩先命酒，官閒行部只看山。  
十明丹溜多遺跡，仙吏如今許再攀。

山足上人入華嚴院詩以贈之，並趣無可大師振錫東來紅樹秋山當茗話藤蘿石上也。

鉢囊千里自廬陵，石窟招提最上層。  
講席花飛天外雨，祇林樹簇霧中燈。  
六時齋鼓還供佛，萬疊煙巒合住僧。  
况有遠公棋局在，故山蓮社待重興。

舟過彭澤弔淵明先生

彭澤彈丸邑，千秋獨擅名。  
去官存傲骨，嗜酒識深情。  
身世高懷放，江山醉眼明。  
蘋蘩遙致奠，今古一先生。



江行卽事二首

萍梗浮生計在歌對碧空田家秋樹裡津市暮煙中野  
曠天無月江行夜阻風半聲何處磬隱隱佛燈紅  
潯陽看咫尺曳纜困長年江驛程無定秋聲客可憐微  
茫煙市迥搖颺戍旗偏舟子頻相慰潮平穩放船

江州僧舍

勞勞溢浦擢僧榻暫時休山月銜匡阜江風撼庾樓鐘  
琳閣夜衣擣玉關秋只恐商人婦琵琶引客愁

抵武昌

八年前泛武昌舟芳樹迷離記昔遊漢水依人偏儉歲  
楚天作客况逢秋牙旗月照新鈴閣碧蘚煙清舊寢樓

憑眺興亡無限恨淒涼風景不勝愁

仙棗亭煙月歌

仙樹蟠根突天起虬枝受月輕煙裏遊人愛月不肯回  
銜盃取醉煙樹底煙中玉笛梅花弄風流都付黃梁夢  
夢回鶴背舞翩翩古往今來何歲年仰天狂呼嘯一聲  
我欲乘風御赤鯨丹亭棗熟知何日一望長江秋水清

壘石曉發

幾年思破浪今日恰乘風戍柝寒塘側征帆夕照中輕  
鷗低掠水俊鶻勁摩空十月湘南路初看木葉紅

喜晤大錯和尚二首

世外蕭然自隱淪白雲深處乞閒身南天猶幸留詞客



西土何嘗禁酒人兩代論交情不淺三湘投袂話偏真  
回思大阮談兵日夜半鵲啼倍愴神

萍梗他鄉生事微相逢瓢笠是耶非山川回首新蓬鬢  
關塞傷心舊鐵衣雪滿巫峰猿嘯慘雲連湘水雁來稀  
老親夙有尋幽興春草禪房待扣扉

仲夏周伯衡邀全方田伯從子大蘇過百花洲偶  
成二律用李梅公先生壁間韻

東湖留勝蹟暇日共追尋籬落環蔬圃煙波帶竹林  
花僧院午堤柳釣船陰脫帽憑箕踞微風上客襟

幽人棲隱處半圃築湖隈

蘇公亭卽  
雲卿舊址

遺碣煙中立虛窻

水面開鐘聲穿樹出鳥影上花來俱是高陽伴山僧莫

浪猜

癸丑春日偕姚望侯戴導及周信臣諸子集且園  
有感

啼鳥聲聲傷藥欄強從却外一盤桓春光偏向愁人老  
花事難將淚眼看好友縱歡還慘淡新詩重和倍辛酸  
憑高知有西州恨謾說登臨興未闌

題方有懷便足樓二首

關山烽火事多違有客幽居靜掩扉半嶺雲連高鳥下  
平湖風送遠帆歸避人卜築依先壠乘興登臨駐落暉  
會得猶龍知足意此中堪息漢陰機

白社招尋素有期藍輿曾此共追隨雨窗啜茗淡談易



春墅銜盃快賭棋繞砌遍添新種竹磨崖在看舊題詩  
興公亭館荒涼甚莫厭頻頻過習池

片野書示兒琦 二首

風雨一燈夜琴書愜素心榴花當戶艷竹影閉門淡薄  
暮牛羊下微晴鳥雀吟凭高閒眺望何處不沾襟  
祖武繩非易孤懷鬱未平亂煙團野色急雨壓書聲月  
旦聽斯世春秋自一經摩天雙翮健怒隼御風行

秋聲到枕月影橫堦葉落亭皋虫吟砌壁痛空幃  
之寥落感一室之孤悽夢冷湘絃淚零莊在漫  
抒幽恨聊寫離愁追贈婦之篇不禁腸斷續悼  
亾之什惟覺神傷代楚些以招魂冀雲車其來

格八首

記得秦淮拜雁年香雲璧月暮江天捧匱曉日諸姑次  
問寢長宵二佛前汝自妝臺拈繡譜我從木榻校芸編  
蕭蕭白髮傷零落又值悲風咽斷絃

三十年來共唱隨持家累爾日攢眉乘潮東海花鈿失  
避寇南天翠羽遺已幸生還依阿母何緣亂後得吾兒  
相期白首聽離雁二月春風永訣時

絮語家人意黯然啼聲嗚咽倍堪憐支床露冷愁中夜  
搗藥燈殘夢裡天纔抱稚孫經百日難忘孀母是衰年  
卽今一案憑誰對腸斷山花哭杜鵑

衆香國裡悟蓮華偶謫人間佩六珈繡閣一燈添佛火



珠龕半偈屈僧跏無生難覓丹砂液多病偏開藥樹花

縹緲雲虬君自得阿誰同挽鹿門車內人茹素奉佛同首端坐內寢誦觀

音各號跏  
跌而逝

十二年前病莫支遶床兒女涕交垂祈齡露立焚香夜

錫紀天憐續命時纔幸危軀誇勿藥翻因微疾竟長辭

縱橫兩淚千行下寒暑從今只自知內人于丁未年疾篤兒琦籲天禮斗

次女刲股和藥  
以進霍然病起

秋風蕭颯撼孤幃步幄珊珊是也非螺匣塵埋摧玉鏡

鈿臺香散冷春衣招魂難望離魂返懷夢偏逢夜夢稀

羨殺雙星天外渡人間空剩舊支機

分袂春宵淚滿襦班姑遺訓足規模願從此日皈蓮座

誓向他生斷藥爐課子讀書繩祖武戒子學道撫孫雛

離腸萬縷情無盡啼殺中庭夜半烏內人語予此生多病他生皈依大士

力斬病魔遺訓兒琦  
發憤讀書不可迷失

姻親話別共綢繆憶弟看雲隔海州內人倦倦以弟機公遠官淮南為念

棣萼摧殘今夜月芙蓉落送一年秋憐予已恨分鴛侶

痛爾何時卜菟裘碧海青天應抱恨離鸞別鶴不勝愁

### 片野紀事

夢回春草雁行斜年逼知非兩鬢華山靜坐聽鐘出樹

夜淡閒對月當花嶙峋石色眠苔翠窠落書聲伴暮鴉

遙憶老親扶杖處子規啼破碧天霞

### 方素北納姬秦淮賦贈二首



移來桃葉出長干玉茁庭堦待夢蘭衾抱三星遲夜月  
衣分半臂試秋寒蟬妝翠拾釵頭燕螺黛香生鏡裡鸞  
自是君家有鍾郝短轅長塵不須看

合懽堂上正銜杯更有雙姝倚鏡臺涼入清秋燕玉煖  
光搖明月夜珠來黛分山翠眉如画香逗庭荷蒂並開  
孔釋自應親抱送何煩弓鞞問高襟

送三姪馭劉之蕭山兼寄姚非庵明府 二首

西陵遠涉重躊躇送爾霜風十月初作客寒江憐病後  
依人旅夜惜冬餘湘湖蓴味香無似越水花陰錦不如  
最是慈帷離思切平安早寄故園書

曾共而翁買画船同看潮汐浙江邊秋霜鬢染愁中夜  
春草腸迴夢裡天柳絮吹時須返權柘枝舞處勿生憐  
縣知宦况清如水莫向姚崇乞俸錢

方東來招同飲光扶升龍友峙匡飲吼雲亭分山

門二韻

爲訪林居一扣關芰荷香裡共追攀名花遍乞沿三徑  
怒瀑平分響半山隨處傳杯堪縱目無時臨水不開顏  
綠雲曾入幽人夢留得蒼虬碧蘚斑

夢綠雲入戶偶過  
其地償金留樹

門有古檜二株已  
爲匠石所構東來

古澗寒流漱雨痕煙巒淡處聳雲根遠羅竒石支當戶  
細引飛泉曲遶門竹徑鳥啼亭午樹秧田農唱夕陽村  
樓臺取次經營就莫厭頻來醉檜軒



戴

研

字導及崇禎末諸生少孤能自樹舅父孫司馬餘庵公甚器待之延致西塾課子弟公博聞疆識才思風發落筆如蘭茗翡翠觸目鮮新嘗僑寓秣陵與方民部若珽吳文學德音方處士授臧孝廉天格及子五人為聞雞堂文會其雋思幽致秀絕人寰輩行皆人人自失兄山民以順治辛卯舉于鄉官成都令論者咸以修五鳳樓期之迄不遇餓于郡庠二十餘年將赴廷對而歿母夫人青年矢節壽踰七旬恒以未被旌典容有感而色有墨也今其長公詩能竭蹶請于當路迄成公之孝思其亦可慰藉于九原乎所著詩篇輒隨手逸去不存橐古文辭亦淹雅可誦吾黨中之畏友也

魯仲連

強羸噬六國所恃虎狼群先生志倣儻忼慨却其軍丈  
夫意氣貴黃金何足云監門與屠狗世上空紛紜何如  
魯仲連談笑立功勲英聲冠九牧高義薄層雲誰為徒  
步者緩急固難分浩浩東海波可以挹清芬

巖子陵

白水有真人奮跡春陵里列宿一時曜戮力平天紀先  
生本客星淪落滄江水冠蓋盛如雲視之同敝屣築室  
大澤邊垂釣陰崖裡東都車騎來傳呼為不起入宮詢  
故人安知朝天子共臥亦尋常何為驚太史吁嗟洛陽  
城雲臺半傾圯如何桐廬山至今猶岷岨

巖君平

入山何必澁涉水何必廣大隱在人間悠然脫塵網抱  
道悟龍蠖詮易超象罔端策理既精著書識何朗與物  
幸無競繕性得所養日暮垂簾時悠然發玄想

游仙詩



鍾山饒竒石丹立產靈苗人生寄一世奄忽若風颺我  
懷王子晉控鶴上崇霄姮娥揚妙曲羸女弄清簫雲車  
屢升降絳節自飄搖封山嗤漢武入海笑燕昭高步風  
塵外長揖謝盧敖

春閨思

玉階日影當花壓龍麝薰烟浮寶鴨弓鞋欵步画樓西  
碧玉搔頭斜鬢插流黃織月冷空閨蝦鬚簾捲弄金窠  
芳草艷妝沾粉蝶菱花明鏡換羅衣寶屏繡幙銀鈎控  
鸚啄風箏驚午夢歲華靜院鎖春光胭脂淚濕蟬紗重  
憶昔相逢翡翠樓春風步幃紫綈裘刺繡雙花銀屈膝  
盤龍百尺錦纏頭茱萸黼帳鷄聲曉睡起蛾眉常淡掃

綺羅燈下影徘徊簫管風前聲縹緲自君白馬去章臺  
金鏐嘶風去不回錦字袖中明復滅衡陽書斷雁空來  
雁來時節郎歸否願逐香塵郎馬首綺縠花錢翠帶垂  
憔悴纖腰細如柳羨殺東鄰輕薄郎年年相對守閨房  
放後山居雜感二首

谷口幽棲處行歌正掩扉清風蘭蕙帶疎雨芰荷衣俛  
仰才原拙浮沉命實違平生飛動意默默對斜暉  
秦國書難上齊庭瑟未工饑寒常氣盡奔走易途窮壯  
志空投袂浮生任轉蓬升沉何必問我意學冥鴻

采石弔李供奉

李侯有遺廟零落在山阿曠代空文藻陰崖自薜蘿佯



前山風雅集卷八  
狂悲世亂飄泊恨才多俯仰風流盡銜盃一浩歌

聞雁

嘹唳霜天鴈分飛到隴頭銜書來漢苑排陣下滄洲影  
落三江月聲傳萬里秋關山征戍客一夜動邊愁

憂旱

赤地應千里三農重可哀雲蒸都似火電掣只空雷澤  
國多鴻雁原田半草萊自憐生計拙憂意總難裁

太白晝見

太白晝猶見兵戈氣未消去來隨赤日芒角射青霄  
極光凌亂西山影動搖冥冥氛稜在憂思到漁樵

少年行

結客邯鄲道翩翩事遠遊打毬來紫陌挾彈過青樓翠  
袖調銀管雕鞍控玉驕酒闌多使氣不拜大長秋

春閨怨

玉階紅葉潤雕翠紫烟浮蝶粉沾紈扇鶯啼入画樓曉  
妝開鏡匣春睡下簾鈎欲寄梅花使丁寧到隴頭

宮月

桂魄升銀幌冰輝入画樓昭陽通夜笑長信一人愁倚  
戶看金鏡凭欄望玉鈎風光今夜好應到未央游

樓月

仙瀝凝朱戶明雲麗碧霄綳簾搖素影綺閣動輕颼星  
漢當檐落天香拂檻飄宮中秦女在閒坐弄清簫



庭月

蟾光明翠竹，姮影動庭柯。空檻凝朱露，疎簾映絳河。秋聲三徑滿，雲氣九霄多。隱几愁難寐，娟娟奈爾何。

關月

平野雕旗捲，嚴更画角稀。寒光馳玉塞，夜色照金微。邊戍應吹笛，關山正搗衣。今宵看望落，萬里共清輝。

閨月

碧宇銀河淺，瑤階玉漏殘。流光生樹杪，踈影出林端。露重羅紈濕，風飄翠袖寒。鎖窗人不到，愁倚画欄杆。

同方繡山方鶴巖飲郝慎弓別業時王姬在座  
名園幽絕處，不異在郊坰。樹簇雲邊鳥，烟籠水畔亭。蒼

淡三徑綠竹散，一簾青素手。胡姬在清歌，佐酒醒

烏江懷古

古廟荒原裡，登臨悵落暉。風雲回石壁，陰雨護龍旂。百戰雄圖盡，千秋伯業微。江聲如叱咤，想像翠華歸。

長干寺晤鄧叔奇兼感舊游因憶余澹心卜居金

閩並寄

同君執手秣陵秋，十里長干憶昔游。萬事滄桑新鬢髮，五陵裘馬舊風流。名高白社知才子，貧臥青門識故侯。却憶故人天際外，年年家在白蘋洲。

金陵十五夜對月

處處樓臺動晚晴，画船簫鼓自聲聲。碧天江漢金波爽，



前明風雅集卷八  
白露梧桐玉苑清雲氣遠浮雙闕麗風光偏倚九霄明  
最憐搖落江南客面面憑欄發旅情

石城晚泊

輕舸初繫暮潮橫兩岬魂消画角聲細雨孤帆楊子驛  
殘陽衰草石頭城飄零壯志空奔走荏苒年華老甲兵  
回首秣陵歌舞地烟波東去不勝情

送孫大振公之雲間

三月清江首重違五湖烟雨正霏微城頭落照催行旅  
河上輕風動客衣鐵甕潮來春水濶金陵雲散故宮非  
鄉園更有漁樵者好趁秋帆入釣磯

壽方鄰汝母夫人五十初度

曉起春山隱翠微喬松臺畔鶴南飛花間燕子巢金屋  
竹下鷓鴣繞繡幃庭戶自生三秀草枌榆常挂六銖衣  
閨中一片流黃月夜夜寒窻照素機

雨中燕子磯渡江

蘆花楓葉晚悠悠浙瀝沙汀散白鷗岬外秋濤迴石壁  
雨中烟樹露皇州雲連海色牙檣動風起江潮錦纜收  
爲問繁華何處是數聲漁笛起芳洲

登維揚舊城懷古

孤城一望海天開千里濤聲擁座迴雲樹關心常對酒  
川原縱目獨登臺錦帆寂寞魚龍冷玉殿荒蕪鳥雀來  
何事興亡偏此地斜陽衰草共徘徊



舟次邗江感懷

寒雲蕭瑟片帆收  
江草江花動客愁  
瓜步濤聲常帶雨  
廣陵山色易爲秋  
已攔湖海供多病  
漫逐風塵故倦游  
寂寞仲宣懷土意  
不勝搖落賦登樓

廣陵弔史相國

平林烟雨正蒼茫  
相國孤忠碧艸芳  
血已化鶻啼蜀道  
人應騎鶴去遼陽  
包胥只效秦庭哭  
諸葛誰知漢鼎亾  
我欲招魂何處問  
空餘清淚濕衣裳

送大兄公車北上

帝城高處五雲多  
曉發征輶思若何  
萬里關山驚白髮  
一天霜雪度黃河  
吾兄意氣非裘馬  
阿弟風塵老薜蘿

聞說燕臺頻市駿  
莫將伏櫪怨蹉跎

除夜

隔林殘雪隱高城  
滿苑梅花入座清  
濁酒淹留兒女態  
孤燈搖落歲時情  
春風雁影歸千里  
寒雨鷄聲唱五更  
腸斷東鄰歌吹夜  
年來年去只心驚

元旦

椒盤頌罷益淒其  
愁絕元晨玉琯吹  
淑氣漸淡萱草色  
春光偏入棣華枝  
每逢令節多風雨  
自到幽居忘歲時  
何事年光流轉易  
不勝憔悴髮如絲

人日

彤雲連夜滿山家  
寂寂空庭噪晚鴉  
鬪巧曾無金作勝



消愁但有燭爲花寒生小閣梅枝瘦風透疎簾竹影斜  
惆悵自憐黃髮暮一樽相對惜年華

元夜

天晴晚色淨銀河愁聽春宵子夜歌萬井樓臺燈火盛  
千門簾幙管絃多且將嬉燕消杯酒懶逐繁華對綺羅  
歸去壺觴莫辭醉風光無奈月明何

贈方繡山民部

清時起草漢明光衣袖常沾御省香才是殿中金馬客  
名高天上紫微郎偶持使節臨南土曾輓軍儲到朔方  
早晚鳳毛還獨步何人重擁度支章

真州署贈左鶴巖

公車三上路漫漫歌罷陽春索和難夜閱圖書炊杖火  
朝攀首宿置蔬盤囊餘白簡傳家學被有青氊衛母寒  
何事故人零落甚江湖空老釣魚竿

客廣陵病中偶吟

旅舍孤燈早閉門愁聞風雨泣黃昏饑寒自覺顏非昔  
貧賤空憐舌尚存海內詞人原薄命天涯病客漫招魂  
因知不歿甘漂泊千載寥寥一飯恩

京口舟中卽事

野曠天清駕雀航烟波迴首更蒼茫蕭蕭雁影橫秋水  
歷歷漁歌送夕陽寂寞空村來鳥雀高低新塚下牛羊  
憐余蓬鬢滄洲老風物年年欲斷腸



歸自廣陵再登燕子磯臨江高閣

躋攀石磴鎖岩堯雲樹參差近碧霄隔水樓臺籠晚翠  
縣崖鐘磬落江潮清秋画角聲縹緲滄海朱旗影動搖  
愁殺湖山俱牧馬烟波何地著漁樵

宿李素公山房

蒼茫平楚大湖濱竹几佳床足隱淪覆塔藤蘿疑鶴蓋  
傍崖松樹似龍鱗三春風雨眠荒寺十里雲山托比鄰  
知有茶瓜能餉客只今來往莫辭頻

過友人隱居

五松山下逸人居擁膝高吟總宴如小市喧囂常閉戶  
高樓踈豁穩藏書香沉茗椀論文久花隱棋枰罷講餘  
最是佳兒貪夜讀竹窻燈火倍憐渠

贈錢西頑先生

二首

瘴海初歸華髮新飄然瓢笠出風塵天涯猶幸留詞客  
佛國何曾禁酒人易以難餘添醒悟詩因老後愈清真  
樽前此日重相對却憶鷄窻聽雨晨  
平生屈指忘年友亂後俄驚見面稀一別誰憐家國破  
重逢却訝姓名非囊餘湖海新詩句篋有雲山舊衲衣  
見說吳中多勝事徜徉蝦菜漫忘歸

喜兄令及秋捷

二首

兄弟追隨情更親同時懷抱共嶙峋十年屈指成雙雋  
群從登科又一人風雨莫忘連被日鶯花好趁上陽春



龍門區雅集卷八  
但令伯仲彈冠遍，揅著漁叢老釣綸。

幾度臨風刷羽翰，同栖忽向九霄看。飛騰羨爾文章健，貧病憐予骨相寒。世路已知雲壤隔，人情偏覺笑啼難。從茲莫問升沉理，老去功名興漸闌。

孫位三移居瀑青山莊

三首

瀑青山下鹿門居，閉戶經年賦遂初。生計遍營纔任拙，世情垂老合教疎。葵園果熟從人打，藥圃花稀課婢耬。四十已過應爛醉，比來戒酒意何如。

竹松溪院綠陰繁，想見先人構造恩。門以看山重改向，堂因留客別開軒。梁鴻有婦能揅作，荀氏諸郎解討論。卽此已知清福厚，些些惆悵是名根。

浮雲變幻竟何常，底事臨淵羨不忘。最合時宜惟貨殖，久揅人棄是文章。老知薑桂情難強，貧覺齏鹽味更長。惟有商量借隱計，君居東陌我南岡。

瓶梅

幽花競向膽瓶栽，豈是秦關庾嶺梅。濃淡黃裙萱草鬪，依稀紅袖美人來。不須藉葉扶持出，也覺衝寒爛熳開。借問羅敷誰得似，暗中一樣被春催。

襟感

三首

牙檣錦纜鼓逢逢，滄海旌旗曉蔽空。茂苑荆榛殘夜雨，長陵松柏哭秋風。橐駝銜尾來燕市，苜蓿垂花滿故宮。丹帳珠簾今寂寞，斷烟衰草咽寒虫。



翠微宮鎖玉繩低，綵鳳天書印紫泥。  
江上六軍同駐馬，舟中半夜厭聞鷄。  
淚和粉黛沾紅袖，醉飲葡萄舞白題。  
漏鼓嚴更人罷唱，饑烏飛過女牆西。  
采鳳金雀護晴曛，鼓出章溝晝漏分。  
赤杖未傳銅馬帝，画船空部水犀軍。  
歌殘玉樹宮中夜，舞散蓮花葉裡雲。  
斜抱琵琶彈出塞，胭脂淚下石榴裙。

九日

蒼蒼雲樹靄斜暉，獨上荒臺問蕨薇。  
風雨二陵人北望，關山千里雁南飛。  
孤城落日吹寒角，九月清霜點客衣。  
最是蕭疎蓬鬢改，菊花何用滿頭歸。

哭方子留

三首

平生求友獨君先，屈指交情二十年。  
世運滄桑俱足痛，美人黃土最堪憐。  
逃吳心事同梅福，蹈海高風似魯連。  
我有千行知己淚，幾時傾灑白雲邊。

神清骨瘦映冰壺，况復驚人更殊。  
只有文章成薄命，遂令天地盡窮途。  
江湖剩有新詩句，風雅難忘舊酒壚。  
曾錫嘉名同博浪，不知公子報韓無。  
當年流寓石頭城，咫尺從容略送迎。  
笑傲差同嵇阮興，風塵早訂祖劉盟。  
只緣破國傷懷抱，常作飄蓬隱姓名。  
何事東遊魂不返，珠崖山下暮雲橫。

艷曲

二首

翠箔紅樓護夕曛，香爐石葉最先焚。  
朱絃欲撥依流水



鐵笛橫吹散暮雲粉蝶莫迷芳草鬢黃花應妬石榴裙  
東方陌上秦家女金雀翹翹顧使君

小築妝臺住若耶蝦鬚簾外碧油車香街寶騎嘶秋草  
鈿閣胭脂画曉霞對鏡漫梳蟬翼鬢調絃初染鳳仙花  
歌成綠水催檀板好抱箜篌問月華

元宵

梅花帶月散輕寒綺席傳柑興未闌翠管銀箏樓上語  
星橋火樹雪中看佳人鎖閣扶紅袖寶馬香街拂玉鞍  
聞道漢宮祠太乙蓬萊歌曲奏仙壇

潛峰閣俯睨大江

最高樓閣倚江隈曲檻含虛倒影迴雲樹乍迷還乍見

風帆時去亦時來地分吳楚濤聲合日抱龍鼉曙色開  
自是上游稱重鎮安危曾仗濟川才

送鴈

嘹唳江天旅思闌銜蘆歸去怯輕寒洞庭水漲衝波起  
衡岳春深過嶺難故國敢辭征路遠捨榆偏覺此身安  
冥冥莫道飛鳴易矰繳連天著眼看

迎鵲

庭院深深鎖碧苔聞鵲徹夜眼頻開啼春每向枝頭入  
叫月偏從枕上來恨比蒼梧班滿竹心非蠟炬淚難灰  
最憐左右如花女無復妝成繞鏡臺

聽鶯



黃鶯驚起午餘眠不分嬌啼語太綿林木淡淡時隱見  
歌喉嚦嚦故勻圓笙吹緱嶺誰爲伴簫滿秦樓卽是仙  
獨有吾宗饒逸興雙柑斗酒頓忘年

納燕

泥梁何必是盧家簾戶微通豈用遮幾向柳邊粘落絮  
時來簷際蹴飛花只因恩義憐關盼敢以輕盈鬪麗華  
好去烏衣尋舊壘漫隨蜂蝶故排衙

調鶴

放鶴亭前好問踪九皋清唳月明中若來縞素通身白  
煉就丹砂一點紅飲啄祇應憐處士雲霄那忍別司空  
知君自是鴛鸞侶縱入鷄群迥不同

贈張敦復宗伯

六首

才子承恩侍玉除蘭臺聲價重璠璣寅清自典春卿禮  
中秘仍繙太史書甲第已知連禁苑掖垣更喜傍宸  
居柏梁賡和原同調不待金門獻子虛

十年視草漢明光炬撤金蓮昭玉堂家學難忘是清白  
國恩思報有文章嘗來御饌親分戒賜出宮衣稱短長  
休澣足膺前席待憑君早促舍人裝

靈和寶柳正葱菁風度依稀似九齡侍從北門催應制

從容東觀坐談經醉餘學士難勝酒

明宋文憲公侍宴有醉學士之歌

覆却奎文尚有亭

明宣德間製七言詩賜王淮之作奎文亭覆之

曾向御書樓

下過榮光夜夜燭青冥



極目南雲想故山一時揮手謝朝班  
主恩暫許親營葬天語頻傳及早還  
裝束圖書惟小勳樓閣只三閒  
亦知光寵施泉壤應念蒿莪不忝顏

尺五天邊曳履時黑頭公輔定相期  
祇緣清慎心如水

漸覺勤勞鬢欲絲帝簡敬輿為內相  
陸贄在翰林人言

蘇頲有佳兒趨朝不用雲屏隔  
已共鷓鴣入鳳池

乞歸詔許挂帆行杜詩乞歸優詔許  
鄉黨人誇畫錦榮夾道喧

囂徵世態一壺冰雪見君情升沉迴  
隔雲泥路風雨寧

忘杵白盟不是狂夫踈嬾甚自憐  
衰謝怯逢迎

哭孫易公十二首

才人客歿在殊方欲問巫咸正渺茫  
我有千行知已泪

莫須鄰笛一沾裳

兄弟情親倍篤時卅年心事歲寒知  
那堪痛哭元方後

又見荆花折一枝

赤幟鷄壇盛五湖同時才調似君無  
題名不屑春宮榜

別有紗籠在藥珠

盛時叢桂已曾攀偶屈南宮竟不還  
似我半生窮且賤

猶撫生計蠹魚間

清秋伏枕薊門城力疾翻為塞上行  
一出居庸魂不返

鴛鴦泊上暮雲橫

君在燕山舅在吳天涯音信總模糊  
歸來不忍過羸博

望見臺封泪已枯



消息傳來是也非舉家相顧泪沾衣嬌兒不解扶床哭  
只說燕臺去未歸

雁行中斷倍傷情老友情兼弟與兄只爲慈親腸易斷  
寢門欲哭又吞聲

落日秋風匹馬遲河梁執手送君時臨歧不盡殷勤語  
一別那知是永辭

十載京華行路難頻將尺素報平安只今風雨孤燈夜  
磨滅床頭不忍看

去時擬作金門客豈料歸來廣柳車檢點遺編開篋笥  
最傷心是萬言書

石榴花發滿庭除舊是孫郎此讀書玉軸牙籤零落盡

梁間蛛網壁間魚

紫燕

紫燕雙雙入翠樓芹泥香惹玉簾鈎盧家宅裡梅梁好  
飛去飛來傍莫愁

黃鸝

黃鶯歷亂舞春風翠領金衣何處逢二月低飛芳草外  
一群嬌唱柳陰濃

杜鵑

望帝春心久未還空畱蜀魄在人間數聲血淚花枝滿  
恨與蒼梧一樣班

蝴蝶



紺縷細紋並翅飛花叢芳徑自依依豈因韓掾偷香入  
疑是何郎傅粉歸

梅花

玉骨冰姿何處裁參橫花影上莓苔莫言風雪關山冷  
曾向征人笛裡開





